



嘉慶辛酉仲冬



樂氣金石韻

銅鼓亭琴

粵西金石略敘

南康謝公巡撫廣西之明年以通志成于雍正中七十年交  
獻放佚慨然思重輯之而辱以處少知地理之學命爲總纂  
自豫章載書數千卷開局於秀峰書院桂林山水奇絕暇日  
輒偕朱君小岑張君石倚拄杖荷笠登陟嶺巘求古昔磨崖  
之作往往攀藤捫薜危至不能容足意孫狄所不到者而題  
刻在焉每歎昔人好事之奇而亦幸不自矜其能游也公  
聞之欣然命工徧揚諸厓洞古刻且檄郡縣訪求金石文顧  
俗工不甚解其事凡甍鍾麝煤之法架巖澗水之方虔爲親  
指示之每得一本公卽招處坐清風堂評論佳惡字之刻闕  
者推辨點畫必苦思得之則大笑以爲樂或遣材官走卒持

粵西金石略敘

手箋來徵故事作爲詩歌日或數至蓋公善理劇粵西政簡  
以半日治公事而有餘閒也其後惟拓日多郡縣之以脫木  
來者亦日衆于是摹寫于紙分件繫年自晉至元得四百八  
十餘種仿隸釋之例全錄其文復作銅鼓考及金石之待訪  
者存其目于末因文考事卽事證人有裨于史者十常二三  
皆公所是正而裁定者也明萬歷中制府劉公繼文嘗令人  
齎楮墨拓厓壑之文以貽張羽王爲作桂勝距今一百九十  
年而公繼之且統粵西金石之全畢登于書可謂盛矣嗟乎  
嶺以南瘴癘之區也唐宋人之游宦于此者畏避如水火獨  
思區區託名于幽厓遂谷閒爲無窮之計以據其伊優鬱塞  
之懷其志良可悲已然其消磨于爨烟毒霧者蓋不知其幾

其幸而存者非公好古敏求有專勤之力惡能發其光怪瓌  
璨以大顯于世哉通志之修始于庚申正月竣于辛酉四月  
凡二百八十卷金石略得十五卷可自爲一書者公故先刻  
之以質同好而命虔敘其緣起如此小岑名依眞臨桂人石  
倚名元輅虔同縣人同局編校于是書皆有助焉  
嘉慶六年十一月朔桐城胡虔雒君謹敘

粵西金石略敘

粵西金石略總目

卷一

晉 唐

卷二

五代 宋一

卷三

宋二

卷四

宋三

卷五

宋四

卷六

宋五

卷七

宋六

卷八

宋七

卷九

宋八

卷十

宋九

卷十一

宋十

粵西金石略總目



宋十

卷十二

宋十一

卷十三

宋十二

卷十四

元一

卷十五

元二

銅鼓考

待訪目錄

粵西金石略總目

卷十五

元一

卷十四

宋十二

卷十三

宋十一

卷十二

元一

粵西金石略卷一

兵部侍郎兼都察院右副都御史巡撫廣西南康謝啟昆撰

晉 唐

晉龍編侯墓甄文

永和六年太歲庚戌莫龍編侯之墓

真書徑一寸許 石文皆以營造尺度之

右墓在蒼梧縣多賢鄉鳳凰山乾隆庚子山陷有隧道如狹巷居民循之入道盡得堂堂之前有石案案上置銅鏡一銅器一器類盥漱者堂列三門甄封之甄上有文云云居人知為古塚遽掩之其鏡與器皆為人得閒有藏其墓甄者甄徑一尺許字在其側案漢晉皆有永和之號庚戌則東晉穆帝六年也是時林邑人范文攻

粵西金石略卷一

日南九真交阯用兵莫氏當以戰功得侯然名字事蹟於史無所考龍編漢縣隸交阯郡吳士燮為交阯太守後封龍編侯晉義熙七年杜慧度亦以交州刺史侯龍編子宏文襲爵莫氏前後百餘年閒封龍編者蓋三人矣士氏之先避地交州 慧度交阯朱為人蒼梧志載士燮墓無莫氏墓故人知有士燮而已

唐李衛公上西嶽書

唐相衛國李公上西嶽書真蹟

篆額徑二寸許

布衣李靖不揆狂簡獻書西岳大王閣下靖聞上清下濁爰分天地之儀晝明夜昏乃著人神之道又聞聰明政直依人而行至誠感神信不虛矣大王崑崙擅德肅爽凝威為靈術

制百神配位各雄四岳是以摩像清廟作鎮金方遐規歷代  
哲王莫不順時禋祀興雲致雨天實肯從轉孽為祥何有不  
賴嗚呼靖者一丈夫爾何得進不偶用退不獲安呼吸若窮  
池之魚進退似失林之鳥憂傷之心不能已社稷凌遲宇宙  
傾覆奸雄競逐郡縣土崩遂欲建義橫行雲飛電掃斬鯨鯢  
而清海岳卷氛祲以闢山河使萬姓昭蘇庶物昌運即應天  
順時之作也又大寶不可以堅據欲杖劍竭節未有飛龍在  
天捧忠義之心身傾濟世志吐肝膽於階下惟神鑒之願占  
進退之機得遂平生之志有養德之時終陳擊鼓若三問不  
對亦何神之有靈然後即請斬大王頭焚其廟建縱橫之略  
亦未晚也惟神裁之行書徑一寸許紹興丙寅秋七月右朝請郎知

粵西金石略卷一

軍州事施珪重立真書徑九分

衛公始困於貧賤因過華山廟訴於神且請告以仕宦所  
至辭色抗厲觀者異之佇立良久乃去出廟門百許步聞  
後有大聲曰李僕射好去顧不見人後竟至端揆劉餗隋唐嘉話  
世傳扶餘國事類若劍俠而衛公從之似以任縱自喜然  
攷其行事則動以禮法自約又若老書生此書豪武自將  
亦既放矣或疑其僞將以其暴侮神蓋求合於杳冥者乎  
且請告以官位所至詞色抗厲後有聲曰僕射好去後果  
如言此書殆似或真有是邪將後人因此附益之乎餗在  
開元中其說似有據若可信也董道廣川書跋

右唐李衛公布衣時上西岳書真蹟蓋厭隋亂已極負濟世之志奮欲有爲而咨之神明之辭也士重乎立志養氣衛公此書志已先定而氣蓋宇內矣是以卒能輔明主而建功業焉其書亦佳石刻在廣西余得之劉長吾僉事云

楊士奇東里集

王侯將相時至則居之雖豪傑之士不能預信於平日也劉季起沛上眾推擇可爲沛令者蕭曹等皆文吏自愛恐事不就盡讓季當其時安能必後之相季封鄼平陽哉劉伯溫羈管紹興感憤至欲自殺又嘗爲石抹宜孫所用初未有佐命之思而或謂其在西湖望見雲物曰後十年有帝者出吾當佐之殆妄也世傳李衛公未遇爲文告西岳

粵西金石略卷一

三

神意在取天下次則擇主而仕若微時預以帝王自許者然考之史衛公初仕隋爲殿內直長尋爲馬邑丞唐高祖擊突厥衛公察其有非常志乃自鎖上急變新舊唐書所載略同可謂不知天命之尤者亦安得於未遇時逆知爲唐佐命出入將相乎其事雖見李肇國史補而告文不知何人所作其云斬大王之頭焚其廟宇此豈衛公之言昧者從而刻之石按歐陽趙氏所錄皆無之蓋近代作僞者爲之眞妄男子也

朱彛尊曝書亭集

右碑在藤縣廨中廊露赤雅云刻於勾漏又云眞蹟用黃絹書上半元時燬於火後半餘四十字入雲譚娘家露言多不足據相傳此碑搨之令輒不利以是禁不敢

揭惟於令交替時多具紙墨揚之雖俗忌可笑然碑賴以久存

顯慶四年舍利函記

□大唐顯慶二年歲次丁巳十一月乙酉朔十三日丁酉於桂州城南善興寺開發建立此妙塔七級聳高十丈至顯慶四年歲次己未四月丁未朔八日甲寅齋佛舍利二十粒東去大□三十餘步舍利鎮寺普共法界一切含識永充供養

故立銘記

真書徑五分

右舍利函高七寸八分橫九寸八分中空以盛舍利者

外四面一刻記其三刻佛像在臨桂縣萬壽寺案桂林

風土記褚遂良以顯慶二年貶桂州今開元寺

即今萬壽寺

粵西金石略卷一

四

舍利塔前有褚公親筆寫金剛經云云其碑至乾隆間尚存寺中爲臨桂典史嚴成坦剷去或疑此記亦褚筆考顯慶二年遂良再貶愛州明年冬卒此非褚書明甚然筆勢瘦健得歐虞法其亦親炙於河南者歟記內缺二字首行第一字是維字系旁尙可辨識

開元寺銅鐘款文

貞元十二年歲在丙子十一月二十二日己酉當道經略使

守容州刺史兼御史中丞房孺復與幕府及諸大將等於開

元寺敬鑄鴻鐘一口重三千五百觔永充供養

真書徑五分 開元

寺常住鐘

真書徑一寸

右鐘在容縣東城樓高五尺二寸口徑二尺六寸按新

舊唐書孺復爲瑄孽子累拜杭州刺史孺復狂疎傲慢嘗生歛妻之保母妻產遽令卽路卒後妻崔妬甚一夕杖殺侍兒二人孺復坐貶連州司馬尋改容州刺史本管經略使貞元十三年九月卒距鑄鐘時僅十閱月耳

逍遙樓刻石

逍遙樓真書徑二尺

大歷丁巳顏真卿書真書徑二寸

右碑在臨桂東城上嶠南瑣記云字全無結構有俗氣下筆正如胡餅兩走之轉處法亂乃揅手之下者何以辱魯公今觀三字體勢嚴勁不得謂非顏筆惟明以前無言及者案真卿曾題蒲州逍遙樓榜或好事者鈎勒置此耳又王士正秦蜀後記云武連驛北山覺苑寺有顏魯公逍遙樓大字碑蓋勒石又不止此矣

粵西金石略卷一

五

大歷平蠻頌磨崖

平蠻碑篆額徑八寸許

平蠻頌并序

郎守尚書禮部郎中上柱國韓雲卿撰

議郎守梁州都督府長史武陽縣開國男翰林待詔韓秀實書

李陽冰篆額

維大歷十二年桂林

象郡之外有西原賊率潘長安僞稱安南王誘脅夷蠻連跨州郡  
洎黔巫衡湘彌亘萬  
平人南距離題交阯西控昆明夜郎北  
男昌巖領桂州都督兼御史中丞持節招討斬首二百餘級擒獲元惡並其下將八十四人生獻闕下其餘逼逐俘虜二

十餘萬並給耕牛種糧令還舊居統外一十八州牧守羈縻  
反覆歷代不賓皆□首請罪願為□□□自新俾守厥舊

商農漁樵各復其業悼耄寡各安其宅□□為陽和□□

為夷途五嶺之人若出元泉而觀白日如蹈烈火□□

書上聞優詔嘉焉公卿百辟將校耆艾咸願歌頌勲烈以

銘於石辭曰 皇帝卽位十有五載□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

粵西金石略卷一

化戎為農三軍臥鼓四鄙罷柝原野蕭條萬里澄廓明主是  
嘉罷人是康銘之嶺門用垂無疆 大唐大歷十二年□月

二十五日□分書徑三寸

西原蠻在唐為邊患久矣自肅宗至德以來百餘年間諸

蠻更相雄長乍服乍叛攻桂管十八州所至焚廬舍掠土

女元道州所謂城池井邑但生荒草登高極望不見人煙

蓋實錄也今此碑所序大歷十一年賊帥潘長安偽稱安

南王誘脅夷蠻連跨州邑南距雕題交趾西控昆明夜郎

北洎黔巫衡湘流毒如彼其廣天子命隴西縣男昌夔持

節招討擒獲元惡兪其將帥八十四人生獻闕下其俘虜

二十餘萬並給耕牛種糧令還舊居勲烈如此之著其列

傳偶闕而不書歐趙集古金石之文又偶不得此碑入錄

鄉非事著於碑而碑錄於余其遂無聞矣

陳思寶刻叢編

右磨崖在臨桂城北鎮南峰韓雲卿撰韓秀實書李陽  
冰篆額雲卿爲文公叔父官尙書禮部郎中父獻素爲  
桂州刺史見唐書宰相世系表秀實爲翰林善楷隸八  
分見書史會要案代宗紀大歷八年九月以辰錦觀察  
使李昌夔爲桂州刺史防禦觀察使至是蓋莅官之五  
年也鄭氏通志金石略云唐平蠻頌韓秀實八分書即  
此刻潘長安稱安南王事唐書及通鑑皆不載惟南蠻  
傳載大歷中以潘歸國部落置龍武州歸國蓋長安之  
族也

粵西金石略卷一

七

大歷舜廟碑磨崖

舜廟碑

篆額徑七寸許

舜廟碑并序

議

議

卿

議

府長史武陽縣國男翰

詔韓秀實書

京兆

京兆

帝舜有虞氏姚姓諱重華帝顓

之子以孝聞卅堯授堯之禪丁酉法堯禪禹在

位五十年南巡狩崩

聖德靈魄遊於無方南人懷思立祠禱祭歷夏殷

周秦拒

皇族隴西縣男兼御史中丞昌

□□地虔□統命肅龔神寺□□□圮□隘□陋不足延  
降聖靈迎致恭恪齋服祭器不□□□□□邀福慢  
禮有里巷蠻夷□□□於□□縣尹曰上有陽崖陰竇下  
有迴潭伏消風雲□□□□□□之□處□□□駕  
峻宇□□□□□□度□□□成以時昭享□□□□  
□□□□兢慎恂懼肅然莫不加敬牲□既設巫祝□□  
□□□□然□□誠簫鼓既□俎豆□□神□人悅優  
然如受其福是歲寇賊殲□年□豐稔□□□□  
社官□長老願刊琢表識以彰懿□□辭曰 惟虞禪夏夏  
德斯淪更殷歷周□□□□□□帝□莫宣祀典空存

粵西金石略卷一

祀禮無聞於□□□□皇家踵美虞唐獨主淳儉□□□  
□□□□□□□□祐俾□穆穆宗臣祇慎肅龔□虞增□  
展禮竭忠人神胥會風雨晦蒙三千年聞禮幣贊通西原寇  
平南畝有年祀事報功皇靈降臻侂侂武□我戰自克曼曼  
農耜我勤乃□日用遊焉惡知□力天人同□□存影會誠  
威昭通屑易室□□□播美垂億千載分書徑  
二寸許

右磨崖在臨桂虞山撰書篆額俱同前碑中段爲明人  
磨去刻其詩非全璧矣

獨秀山新開石室記

監察御史裏行鄭叔齊 城之西北維有山曰獨秀宋顏延  
□嘗守茲郡賦詩云未若獨秀者峩峩鄂邑間嘉名之得蓋

擊於此不籍不倚不騫不崩臨百雉而特立扶重霄而直上  
仙挹石髓結而爲膏神鑿嵌實呀而爲室蹕淖可遠幽偏自  
新勝槩岑寂人無知者太歷中御史中丞隴西公保障南服  
三年政成廼考宣尼廟於山下設東西庠以居胄子備俎豆  
儀以親釋菜雖峻陟可尋而藁薄未剪公乃日常從以上每  
指荒榛而授事爲力無幾得茲穴焉闕而外廉隘以傍達立  
則良其背行則躡其腓於是申謀左右朋進畚鍤壤之可跳  
者布以增運石之可轉者積而就階景未移表則致虛生白  
矣豈非天賦其質智詳其用乎何暑往寒襲前人之略也譬  
由士君□韜迹獨居懿文遊藝不遇知己發明則蓬蒿向晦  
畢命淪□鹽車□所伸其駿和氏不得成其寶矣篆刻非寵

粵西金石略卷一

九

庶貽後賢建中元年八月二十八日記

眞書徑八分許

右刻在臨桂獨秀山讀書巖案昌夔官此土至是七年  
矣廢缺備舉桂之學實創於此昌夔劍州牙將耳乃能  
興起學校尤爲難得又案大唐傳載云李昌夔爲荆南  
打獵大修妝飾其妻獨孤氏亦出女隊二千人皆着乾  
紅紫繡襖子錦鞍韉此郡因而空耗今施設如此不類  
所言小說不足深信也

孟簡題名

刑部員外郎孟簡元和元年三月二日

眞書徑一寸許

右刻在讀書巖簡新舊唐書皆有傳劉玉麈曰幾道官  
刑部史傳失載而韓昌黎詩集有之此石刻足以証古

按韓文集注云孟簡字幾道德州昌平人以新舊傳考之未嘗爲刑部史豈逸之耶新傳言其爲倉部以不附王叔文徙佗曹或者佗曹卽刑部也考叔文用事在順宗時僅一年次年卽元和元年與題名正合其來桂林不可考韓詩有云今君軺方馳或因使事至此耶玉麈寶應人以拔貢生試用廣西州判卒

馬日溫題名

安南桂管宣慰使馬日溫送馬祭酒上後因遇吳王三人同遊此洞元和九年春四日題

眞書徑一寸許

右刻在臨桂疊綵山

柳宗元龍城刻石

粵西金石略卷一

十

□城柳神□守驅厲鬼出七首福四民制□醜□和十二年

柳宗元

行書徑一寸許

羅池北龍城勝地也役者得白石上微辨刻畫云龍城柳

神所守驅厲鬼山左首福土氓制九醜余得之不詳其理

特欲隱子於斯歟

柳子厚龍城錄

右刻在馬平縣柳侯祠內按龍城錄所云與此微有異

同僞書不足憑然茲刻實宗元書也

李渤南溪詩

南溪詩序 成紀縣子李渤 桂水過灘山右匯陽江又里

餘得南溪口溪左屏列崖巘鬪麗爭高其孕翠曳煙邐迤如畫右連幽壑園田雞犬疑非人間沂流數百步至元巖巖下

有污壤沮洳因導爲新泉山有二洞九室西南曰白龍洞橫透巽維蛻骨如玉西北曰元巖洞曲通坎喁晴眺灘水元巖之上曰丹室白龍之右曰夕室巽維北梯嶮至仙窟仙窟北又有石室參差呀豁延景宿雲其洞室竝乳澗凝化詭勢奇狀仰而察之如傘如傘如輦如輦如欂櫨支撐如蓮萼藻井左睨右瞰似簾似幃似松偃竹裊似海蕩雲驚其玉池元井嵐窻颺戶迴還交錯迷不可紀從夕室梁溪嚮郭四里而近去松衢二百步而遙余獲之自賀若獲荆璆與蚺珠焉亦疑夫大舜遊此而忘歸矣遂命發潛敞深墜危宅勝旣翼之以亭榭又韻之以松竹似讌方丈如昇瑤臺麗如也暢如也以溪在郡南因目爲南溪兼賦詩十韻以志之寶歷二年三月七日敘

粵西金石略卷一

詩

元巖麗南溪新泉發幽色巖泉孕靈口

桂勝作秀雲煙粉勝

粉崖壁斜峰信天插奇洞固神劈窈窕去未窮還迴勢難極

玉池似無水元井昏不測仙戶掩復開乳膏凝復滴丹爐極

誤作沙有遺趾石逕無畱跡南眺蒼梧雲北望洞庭客蕭條風

煙外爽朗形神寂若值浮邱翁從此謝塵役

分書徑一五分

李渤字濬之嘗爲桂州刺史充桂管都防禦觀察使新舊

唐書皆有傳

南溪元巖銘并序 青溪子李涉 桂爲郡也巖其先之有

井室人民百千祀矣居是邦者匪哲則豪何四三里之內而

巖不載於前籍爲巖將屈於古而合伸於今哉爲人未知其

巖巖俟人以時哉青溪子昧而未詳也予之仲曰渤受天雅

性生不雜玩少嘗讀高士傳列仙經遊衡霍幽遐之境巢嵩  
廬水石之奧凡俗所覲必皆磨礱大璞翦鑿遺病意適而制  
非主於名實歷初自給事中出藩於桂一之年治鄉野之病  
二之載搜郛郭之遺得隱山元巖冥契素尙余因謫去炎海  
途由桂林巖之勝再遂其賞勒銘洞石表遠跡於他年銘曰  
桂之有山潛靈億年拔地騰霄戟剌刀攢巖之有洞窈窕  
鬱盤虎挂龍懸形狀萬端威馳杳冥仰杏噴吮玉落磬墜幽  
聲晝寒巴陵地道小有洞天文籍之聞吾何有焉酒一卮兮  
琴一曲嘒巖之下可以窮年

分書徑一  
寸五分

涉渤之兄織人也早從陳許辟憲宗時爲太子通事舍人  
投匭言吐突承瓘寃狀孔殲知匭事表其姦遂爲峽州司

粵西金石略卷一

十一

倉參軍始殲見其副章詰責不受涉乃行賂詣光順門通  
之故殲極言涉姦險欺天請加顯戮太和中爲太學博士  
自號清溪子

唐詩  
紀事

李涉洛陽人與弟渤同隱廬山後應陳許辟憲宗時爲太  
子通事舍人尋謫峽州司倉參軍太和中爲太學博士復

流康州

全唐  
詩傳

劉玉麈曰舊唐書李渤傳云渤堅苦不仕隱於嵩山新書  
云與仲兄涉偕隱廬山今此刻涉稱渤云少嘗讀高士傳  
列仙經遊衡霍幽遐之境巢嵩廬水石之奧與史傳合惟  
史稱仲兄涉而此刻云余之仲渤夫渤旣爲仲弟則涉不  
得稱仲兄矣是史傳固不若石刻之詳也舊史云寶歷中

轉給事中又云寶歷元年改元大赦天子御樓放囚崔發亦在雞竿下品官持杖毆發渤疏論之以渤黨崔發出爲桂州刺史兼御史中丞充桂管都防禦觀察使今此刻云寶歷初自給事中出藩於桂是渤之轉給事中已在寶歷以前而其出刺桂州乃在寶歷之初是史傳又不若石刻之核也渤治桂州舊史不載其事惟新史稱渤治灘水鄣泄有宜舟楫利焉此刻所謂一之年治鄉野之病也又隱山有李渤題名云年既豐乃以泉石爲娛訪異獨得茲山此刻所謂二之載搜郛郭之遺也語出涉口當得其真與舊書稱渤在桂二年新書以爲踰年正合是石刻又可爲史傳之明證也至涉自序云余因謫去炎海途由桂林元巖之勝再遂其賞今新舊書無傳莫可考証惟唐詩遺響載涉竹枝詞注云涉嘗謫武陵故有是作案武陵今湖南常德府桃源縣涉由廣東之湖南故經由桂林耳

粵西金石略卷一

右刻在臨桂南溪山元巖按涉有奉和九弟渤見寄絕句知其行次第九而仲爲弟之通稱不必定居次也又敬宗紀寶歷元年正月乙巳朔七日辛亥改元大赦壬申以給事中李渤爲桂州刺史實二十八日舊史稱其寶歷中轉給事中誠誤至涉來桂林當在太和閒謫康州時涉有譴謫康州先寄弟渤詩是言其將至桂也此敘亦云謫去炎海途由桂林康州今廣東肇慶府故曰炎海且必取道桂林玉慶謂是謫武陵時事非是唐詩

遺響云武陵竹枝詞當作夷陵卽紀事所云貶峽州也  
涉有再謫夷陵詩其竹枝詞云荆門巫峽空船灘皆其  
地事在憲宗時不當在寶歷後茲因玉麈言及之

又李渤詩

畱別南溪 桂州刺史兼御史中丞成紀李渤

常歎春泉去不回我今此去更難來欲知別後畱情處手種

巖花次第開 太和二年十一月十三日真書徑二寸許大宋紹興

二十年季夏張仲宇鄧宏重命工刊整住巖僧如漢慧本真書

徑入分許

劉玉麈曰此石蓋本李渤舊蹟而刊於紹興者字爲楷書  
徑二寸案通志載李渤畱別南溪詩兩章此其一也二章

粵西金石略卷一

十四

云如雲不厭蒼梧遠似雁逢春又北歸惟有隱山溪上月  
年年相望兩依依渤在桂州浚治灘水善政在人朝廷不  
聞恩命乃以風恙求代罷歸洛陽渤詩中絕無怨尤惟倦  
倦於巖花溪月而已此種胸次猶是初年不仕高隱匡廬  
少室之襟懷耳刊此詩者爲張仲宇蓋卽潛洞刊范公勸  
諭所稱郡人張仲宇也范公於張爲竝世若李賓客則已  
遠矣讀此不獨令人思賓客而亦並思仲宇也又案舊史  
云渤在桂管二年新史云渤出爲桂管觀察使踰年以病  
歸洛又李涉元巖銘序稱渤在桂一之年治鄉野之病二  
之載搜鄧郭之遺是渤在桂僅二載與史傳合今此刻乃  
題云太和二年豈在桂當寶歷二年因風恙求代直至太

和二年始得代歸洛有此畱題耶姑識之以俟考証又曰  
隱山李渤題名首行云寶歷元年以下漫漶不可識次行  
云和年既豐乃以泉石爲娛云云和年二字連文似不相  
屬和字上疑當爲太字

右刻在臨桂白龍洞渤詩只一章刻石時斷無遺失之  
理如雲不厭一絕當是涉作舊通志所載殊誤今渤涉  
兩人集中又皆收此二詩矣

### 元晦疊綵山記

按圖經山以石文橫布彩翠相間若疊綵然故以爲名東亘  
二里許枕壓桂水其西巖有石門中有石像故曰福庭又門  
陰構齊雲亭迥在西北曠視天表想望歸途北人此遊多軫

### 粵西金石略卷一

十五

鄉思會昌三年六月戴功南自曲沼上極山椒四年七月功

既八分書徑一寸二分

### 四望山記

山名四望故亭爲銷憂亭之前後綿絡山腹皆溪梁危磴由  
西而北復東上疊綵右崖至福庭石門約三十餘步八分書徑一寸

分三

右刻俱在臨桂疊綵山一刻疊綵前巖右壁上方一刻  
四望山四望乃疊綵之支峰耳其左一峰爲于越山晦  
亦有記見桂勝今不可得山爲匠石取材疑災斧斤矣  
乾隆閒巡撫李世傑補書三字於瞻鶴洞按唐書宰相  
世系晦爲稹從子全唐詩傳云會昌初桂管觀察使終

散騎常侍桂林風土記謂晦搜達金貂翺翔翰林揚歷  
臺省性好巖沼時恣盤游於時潞寇初平四郊無壘公  
私宴聚較勝爭先美節良辰尋芳選勝管絃車馬闐隘  
路隅今覽諸記略可想見焉

### 李珣題名

郴州刺史李珣桂管都防禦巡官試秘書省校書郎元允  
會昌五年五月二十六日同遊時珣蒙恩移郡之任桂陽校  
書以京國之舊邀引尋勝男前京兆府參軍階進士潛諳楷  
從行

眞書徑  
一寸許

右刻在臨桂華景洞按舊唐書文宗紀珣以開成五年  
出爲桂州刺史充桂管防禦觀察等使會昌元年貶瑞

粵西金石略卷一

十一

州司馬而珣傳云武宗卽位之年出爲桂州刺史桂管  
觀察使三年長流驩州大中二年徵入朝新書云罷爲  
太常卿貶江西觀察使再貶昭州刺史宣宗立內徙郴  
舒二州通鑑會昌元年出爲桂州觀察使貶昭州刺史  
六年八月移郴州諸說互異今觀此刻珣之內徙郴州  
在會昌五年其之任在五月新舊書皆誤甚通鑑作六  
年八月者亦小誤也

### 張濬杜鵑花詩

山居洞前得杜鵑花走筆偶成桂□僕射□寄呈廣州僕射  
劉公□河閒張濬□桂州籌□知無暇洞裏□花別有珍獨  
酌高吟問山水到頭山景屬何人□伏蒙僕射□公詩□□

和杜鵑花□□□石□□水足□李祠□□總唱

□□□揚之□□□唐□愛特□□廷觀先初□□□

□急寄呈 杜鵑花詩 □□□□□□□□□□□□

碧□仁□合洪釣桂林前旅獨珍莫戀花時好風景磻溪

不是釣魚人 乾寧元年三月二十七日持□□□□□□

□□張巖書 真書徑八分許

唐張濬及嶺南節度使劉崇龜唱和杜鵑花詩二首前監

察御史張巖書乾寧元年刻 寶刻叢編

右刻在臨桂龍隱巖下為水衝激字僅彷彿可識案濬

崇龜史皆有傳濬貶連州繡州均未至居華州依韓建

乾寧元年正依建時也崇龜為嶺南東道節度使亦未

粵西金石略卷一

至桂濬此詩當是寄桂帥轉寄崇龜者崇龜和章見全

唐詩題云寄桂帥玩其詞意實非答濬者北夢瑣言云

崇龜以清儉自居甚招物論鎮番禺効吳隱之為人京

國親知貧乏者望俟濡救但畫荔枝圖自作賦以遺之

其為人如此不答濬宜矣

粵西金石略卷一

粵西金石略卷二

兵部侍郎兼都察院右副都御史巡撫廣西南康謝啟昆撰

五代 宋一

楚金剛經碑

金剛般若波羅密經全文 靜江軍節度桂□□制置等

使開府儀同三司檢校太□□中書令使□□□桂州諸

軍事□□史上柱國扶風郡王食邑五千戶馬寶建真書徑三分許

右碑在臨桂縣萬壽寺案十國春秋寶武穆王弟也天

成初武穆建楚國改寶靜江軍節度觀察使碑當刻於

此時

南唐金剛經碑

粵西金石略卷二

壽州開元寺新建金剛經之碑篆額徑三寸

新建金剛經碑 夫金剛經者乃衆經之源諸法之本爲苦

空之風骨爲寂滅之綱□者矣蓋如來示密獨在斯文□□

□以歸諸無見諸無而捐一有在傳講之遺法者類圖相以

現容也月在秋潭智者觀之不足以爲有塵發空谷聖者聞

之不得以爲無實堅高前後之所元乃指視隨迎之不及有

道顯上人者□□神秀語淡行孤風持慧劍之鋒已斷煩惱

之縛早攜餅錫久涉雲泉南□□水之鄉北歷淮濬之道次

於寓泊受□斯經□歷耳中尋了心下更於研究轉得元微

可謂擊寂寞之得聲視恍惚之見物因升應而釋松帚遂啟

卷以化聽徒莫不緇侶雲臻白衣霧集如是者周遊五六郡

首尾八九年歎舉□□□倚錫於桂嶺遂於此寺序以安焉時遇彭城太傅鎮於是府府主太傅修韓白之謀以衛其國習周孔之教以飾其躬游釋老之門以理其性所以化被四人之內咸興十著之心於是上人開講是經日不唯僧衆而與俗流靡不仰上人□真風俟上人之指授勤拳□□□鴈序而列之敬奉側聽者若□□而疊之是以日往月來週而復始上人忽一日講餘謂聽徒曰道□雖□剖幽微引喻□□尙慮後來者不下與於斯說焉欲刊□□刻諸茲典爲不朽之事化未聞之人不知以爲可乎而且一問未畢衆諾俱旋施者求先咸稱甚善乃化錢以構此碑者也遂具狀疏申達於府主太傅既覽所陳亦加欣譽因役斧□□良匠

粵西金石略卷二

二

費榷柄之異材預建高亭爲之衛庇惟簡叨請直紀諸不繁書鄉貢進士周惟簡述 壽州營田副使通判軍府公事金紫光祿大夫檢校司徒兼御史大夫上柱國張訥 右軍散兵馬使元清淮軍都勾官銀青光祿大夫檢校刑部尙書□壽州都督府長史兼御史大夫上柱國章延鎬 右軍散兵馬使前軍壽州勾官銀青光祿大夫檢校散騎常侍行引駕兼御史大夫上柱國瞿延祚同申助緣兼施金二十萬雕割金剛經大雲義疏一部六卷印施

金剛般若波羅密經全文 勾當化緣建造蜀水長講金剛

經百法論大德道顛弁篆額

行書徑七分許

右軍衙前押衙充清淮軍右都押衙馬步諸指揮都虞候右

長劔指揮使羅城使左廂馬步都虞候金紫光祿大夫檢校  
口保御史上柱國口德興 右軍散押衙充衙內步軍諸指  
揮都軍頭虞候兼左隨身指揮使子城中伏鈐轄使金紫光  
祿大夫檢校司空兼御史大夫上柱國董瑗 衙內親從指  
揮使劉庭欽 右軍散兵馬使充衙內右隨身指揮副使申  
報指揮公事銀青光祿大夫檢校戶部尚書兼御史大夫上  
柱國陳進崇 右軍衙前虞候充清淮軍衙內隨身馬軍指  
揮副指揮使口口指揮公事銀青光祿大夫檢校國子祭酒  
兼御史大夫上柱國張韶 清淮軍節度押衙充寧設使知  
都酒坊兼倉專知官王審能 右軍衙前十將充三院口口  
銀青光祿大夫檢校國子祭酒兼監口上柱國王審口 清

粵西金石略卷二

三

淮軍節度衙前口管充通引官王承祚 右軍討擊副使充

清淮軍通引官張著口 左軍散十將充清淮軍客將銀青

光祿大夫檢校國子祭酒兼殿中侍御史上柱國張延縝

右軍散兵馬使充衙內右隨身指揮都軍頭虞候右廂虞候

銀青光祿大夫檢校工部尚書兼御史大夫上柱國郭令威

眞書徑三分許 當寺監寺表讚大德侶卿 當寺口口口講律大

德口口 當寺在城表讚講論大德口口 當寺文學講經

在城表讚大德惠澄 上座長講上生經百法論僧智新

寺主講金剛經僧守顒 都淮卽僧守忠 典座僧歸仁直

歲僧 維大唐保大五年歲次丁未十月辛巳朔二十八日

戊申建立 清淮軍左押衙陳匡譽書 楊宏道鐫行書經七分許

住湘山守誥謹募眾緣重刊

真書徑一寸

監寺僧法崇

真書徑三

分

右碑在全州湘山寺寺僧守誥以壽州開元寺碑重刊者南唐以壽春爲江淮重鎮保大時姚景嘗爲清淮軍節度使然景以廉節著稱非崇飾寺院者是碑所載節度官屬凡十五人皆十國春秋所未載十國春秋有周維簡鄱陽人隱居好學後主時以布衣召爲國子博士亦非此碑撰文之人吳任臣惜不見此碑也碑無重刊年月考守誥嘗刻慈明大師像在宋淳熙十六年是刻或亦在其時歟又碑中稱道容上人住錫桂嶺是上人爲湘山舊德故守誥重其蹟刻之寺中

南漢感報寺銅鐘款文

粵西金石略卷二

四

維大漢乾和十六年太歲戊午閏六月庚辰朔十六日己未弟子萬華宮使桂州管内招討使特進行內侍上柱國吳懷恩鑄造鴻鐘一口重五百觔置於梧州雲蓋山感報寺永充供養上資當今皇帝龍圖永固聖壽萬春謹記

真書徑六分

右鐘在蒼梧縣光孝寺高三尺口徑一尺七寸案十國春秋吳懷恩番禺人內常侍中宗卽位進開府儀同三司乾和中爲西北面招討使將兵擊楚拔賀州陷昭州盡得蒙桂宜連梧嚴富昭柳象龔十一州之地當時稱善戰云鐘所載懷恩銜十國春秋皆不之及又乾和十六年爲周世宗顯德五年考薛史及通鑑是年閏七月此云閏六月是南漢不奉正朔之證

南漢宴石山記

新開宴石山記 〇〇〇容州管內都製置鹽鐵發運等務  
並白州永資院點檢義勝等都〇務〇賜紫金魚袋劉崇遠  
蓋聞住非聲而去非色無滅無生視不見而聽不聞有〇  
有〇〇三空俄顯一德爰彰善念必通勤行可學明明宗旨  
歷歷程途實有路以堪躋〇〇門而可入自是心源不透智  
筏未征達彼岸以何由湊元關而莫迫崇遠自親禁掖厚忝  
渥恩凡覩靈蹤悉虔俗志冀精勤於一善上報答於九重宴  
石山者在白州博白縣之西鄉與馬門灘伏波公之祠鄰近  
圖經云昔有神人稱陳越王今有古宮基址見在廉州合浦  
〇〇〇曾宴於此山故以爲名焉其山也西枕清波南連翠

粵西金石略卷二

五

〇曉則輕雲蒨白晝則遠樹攢青石罅泉噴點點而斜飛皓  
雪〇〇花秀萋萋而密綴紅〇左紉右迴前龜後鶴蔬足菓  
足松寒竹寒昔曾有人臨水〇〇作佛像約高五丈餘未窮  
其年代者矣〇有壬向石室一所唐咸通中高相座〇統十  
道兵師禦八蠻疆境經行之際於此〇塑造佛像今以〇〇  
崇遠因監製運遂切經營乃命良工闢爲精舍一山迥矗兩  
室相鄰〇是以黑金鑄釋迦瑞像設於東室又鑄釋迦牟尼  
佛一座兼別鑄五百阿羅漢〇〇羅漢設於西室其次有石  
引廊齋堂僧房等在於室外請僧師肇道志惟敏惟忠住持  
焚修〇則飛章聞奏皇澤爰頒賜額號於〇〇今爲覺果之  
禪院〇謂覺乃大覺之〇果乃勝果之門覺與果齊果因覺

集□□□外天鑿洞臨致去石嵐永爲勝地又別有東峰石  
山一座中有東西南北四室鬼狻若畫礪魄如鑄直疑乎造  
化剗開又恐是神仙斲出多景多致唯煙唯霞亦以黑金鑄  
玉皇道君老君天地水三官並塑左空右元真人玉童玉女  
左右龍虎君元中大法師設於室內卓爾威儀森然侍衛請  
道士廖德崇劉守清盧守和等別建道院住持焚修以乾和  
十五年丁巳歲八月二十三日起建迄于大寶元年戊午歲  
十二月二十七日畢功建置道場設齋慶讚訖莫不青蓮金  
柱如忉利以初來錦舌蒼肝似藥珠而乍降繇是命乎緇侶  
招彼羽人金鑪曉炷以粉醴銀炬宵燃而炫耀用全因果上  
贊休明□來四海之朝宗盡類眾星而拱極功旣畢矣願且

粵西金石略卷二

周焉可以齊嵩華之堅可以竝江河之永靈基勝跡萬古千  
秋時大漢大寶二年太歲己未九月癸卯朔二十四日丙寅  
記 晨輝殿使知白州軍州事都管勾容州管内都製置鹽  
鐵發運等務朝請郎檢校尙書工部員外郎柱國賜緋魚袋  
樊圭嗣榮秉郡符同崇□勝祉 左靜□□□□□□□□  
□□□□□□□□都部領將金紫光祿大夫左領□將軍檢  
校刑部尙書□□□□□□上柱國蔡彥宏 寧遠軍節度衙  
前兵馬使充製置務表狀孔目官□昭書 製置務客司軍  
將李道員鑄眞書徑八分許

右記在博白縣案縣志云宴石山在頓穀堡與紫陽巖  
相連兩地寺觀皆劉崇遠闢建僭竊之世具此物力取

於民多矣已未周恭帝顯德六年也

南漢乾亨寺銅鐘款文

維大漢大寶四年歲次辛酉九月辛酉朔二十五日乙酉鑄造銅鐘一口重一千五百斤於乾亨寺永充供養僧正大德崇愍都監大德行超監寺大德都維那僧楚彤住持僧從義楚澄縈然戒詮智暹知亮宏遇西頭供奉官都監賀州防拓應援等軍並監賀州事徵事郎守內侍省內府局令賜紫金魚袋梁延康管甲指搆使全友誠劉處詳佐遷內承旨黃守鐔指搆使陳匡遠左雄勇指搆使都監賀州應援軍銀青光祿大夫檢校刑部尚書兼御史大夫上柱國郭達西頭高品譚文定西上閣門使副權錄事參軍梁延福 郭居弟子楊

粵西金石略卷二

七

德威廖師進宋居訓黃進父詹延達鄧承潤王廷猷梁承選蕭彥鎔黃仁祚李延亮孟漢璿劉意琅黃少璘陳延福胡延舉蕭彥湘王景起莫少宣陳進清孟漢達孟意通陳德用姚宏雅黃仁裕虞從慶邱鄰倫延綬嚴匡演楊璨李常溫廖延通李延意莫楷虞才訓 女弟子蔣氏六娘黃二娘徐四十二娘李十四娘虞二十一娘陳二娘歐陽十八娘陶五娘李二十八娘馮一娘 高品銀青光祿大夫檢校國子祭酒兼侍御史柱國莫道贇翰林口待詔文林郎試大理評事王師訓 衆緣應援軍十將盧法住龐保定楊僧羅法寧劉光美李善能楊象封駑陳令簡鄧會陳道情梁雪羅貴楊道意楊公海覃廷儀潘廷美馮金劉迢何匡韻龐葵兒伍僧會潘楚規

楊軍明梁瑤盧嫩龔硯楊知蘇蘊黃延集楊虔吳採龐奴甯  
舍梁彥通梁幼余戀甯光包邵兒洗初鍾添唐勝梁云慶堯  
保成劉史乾亨寺住持僧宏遇善儒志寬善慧寺監寺大德  
緣集法喜正惠禪院監院大德智堅西山勝果寺監持大德  
惠長寺主契真仁王寺監寺大德善德峽山寺大德從惠審  
依東南道靈化寺大德延浦鑄造匠人梁道崇顏位鄧珠  
書人區昱鐫字匠人齊公延齊公握阮仁與田從訓衆緣  
弟子馬軍郭道崇陳延嗣何懷堅李懷進梁道崇李廷真區  
彥從錢珣唐緒顏位陳彥詳防拓軍十將何肱聶軻王畋成  
行柔阮敬芝張利保區珍陳廷桂李辛宋從順楊廷懿蘇全  
志植昌鐵陳儂陳癸黎小錐陳保得吳甯收區昱鄧珣楊延

粵西金石略卷二

八

慶凌孟益羅敬旻黎匡充黎崇徽陳法善梁觀音林光嗣禰  
慶衆張僧養林讓梁巨錫陳延智何佛養陳延壽梁保志馮  
僧保李文叨陳潘久蘇亞張料六梁保綬何廷泛劉道誠梁  
敬遷梁度嚴畱梁光嗣吳佛保陳公遠區延志聶再隆陳彥  
嵩盧光志王佛壽劉韶向延古陳佛看蘇保兒蒙愛梁延愛  
梁和尚莫宋張佛王老徐嫩植崇保梁懷徹盧延保區紹陳  
承鄴黃知道王期陳師黎佛念鄧法護洗光嗣李張盧郝封  
善修盧從縕陳思憲女弟子陳三娘區四娘宋九娘李八  
娘陳二娘任八娘簡十娘王一娘劉二娘李九娘廖二娘趙  
十六娘徐九娘何一娘陳一娘左廂都押衙知桂嶺縣事  
歐陽敬忠右廂都押衙梁存忠防城都押衙黃延靜四界馬

步都虞候知馮乘縣事孟漢瑋馬步都虞候莫慶典承議郎  
守連山縣程崇珪捕賊官陳子勳虞承遠馮令瑁軍事孔日  
官知寶城場務虞延慤鼓鑄都勾孔目官知富川縣梁珠軍  
事押衙官勾蕩山縣科敬楊蘊讀示孔目官鍾全美廳勾孔  
目官陳昌鼓鑄孔目官鍾虔眇曹都鍾仁英州司孔目官虞  
保忠陳承保黃承畔表奏孔目官費沆虞仁贊王廷規虞仁  
祚倉督廖仁亮臨賀縣都行耆壽虞師岳陳子璩歐陽續桂  
嶺縣都行耆壽李罕餘富川縣都行耆壽王漢膺董仁興馮  
乘縣耆壽何仁富蕩山縣耆壽黎霜層寶城場行首賓懷祚

真徑五  
書分

右鐘在賀縣三乘寺高四尺四寸口徑二尺五寸四面

粵西金石略卷二

九

皆有款文凡千餘字其官位及僧徒稱謂亦足考一時  
之制內多異姓如洗慶植禰科賓之類禰音喧今南中  
尙有此姓又按大寶辛酉爲宋太祖建隆二年考史是  
年九月朔壬戌此云辛酉亦差一日也

宋太宗御書

西江 頤堂

瑞雲

精忠

真書徑  
二尺許

右刻在融縣真仙巖四石正方各高三尺橫六尺每石  
刻二字二字中有己亥小璽下有御書之寶方璽按己  
亥至道五年也名勝志云靈巖山又名老君洞宋咸平  
中改爲真仙巖頌太宗御書百二十軸藏於內此刻自  
是當時所藏也

俞獻可題名

尚書員外郎熊同文侍禁閣門祇候王貞白殿中侍御史俞

獻可大中祥符五年九月九日同來獻可書篆書徑四寸許

俞獻卿欽人少與兄獻可以文學知名皆中進士第獻可

有吏稱歷吏部郎中龍圖閣待制後為鹽鐵副使徙開封

府判官宋史俞獻卿傳

右刻在臨桂棲霞洞按馮伸已傳云桂州兵馬都監轉

運使俞獻可辟知廉州是獻可曾為桂州轉運使也

燕肅題名

河間俞獻可上谷燕肅趙郡李誥聖宋天禧二年孟秋月中

元同游肅書篆書徑四寸

粵西金石略卷二

十

燕肅字穆之青州益都人父峻慷慨任俠楊光遠反時率

其屬迎符彥卿遂家曹州肅舉進士遷中侍御史提點廣

南西路刑獄宋史燕肅傳

右刻在棲霞洞按圖畫見聞志云燕肅其先燕薊人徙

家曹南故此云上谷

李承德題名

皇宋慶歷四年甲申九月二十三日辛巳廣南西路提點刑

獄尚書虞部郎中隴右李承德尚書職方員外郎知桂州汝

南周駸尚書都官員外郎新知永州榮陽潘衢轉運判官太

常博士安定梁戴同提點刑獄內殿班崇高都樹滋同游棲

霞洞題名石壁孟寅書真書徑二寸五分

右刻在棲霞洞按宋史列傳李惟清次子承德官至殿  
中丞惟清咸平元年卒年五十六下距慶歷四年凡四  
十七年承德或是其晚生子又惟清本下邳人父仲行  
為張邱簿因徙家焉此稱隴右豈題其族望耶

孔延之桂州瘞宜賊首級文

瘞宜賊首級記

篆額徑七十許

宋桂州瘞宜賊首級記 廣西去國既遠自有邊事主兵之

臣懷詐事上專用姑息以取官賞民益受弊賊盜得計以至  
於不可救療慶歷四年正月十三日宜之環州□□□□  
挾怨聚黨攻其州下之明日破帶溪普義又明日破鎮寧逐  
其□□□□□□定國令公桂牧內倚世賊蒙趕深溝高

粵西金石略卷二

上

壁乘宜州無備將以□□□□龍江而搖二廣也於是主者  
出兵捍禦雖頗攘定而賊方繕完器甲張□□勢要撫納故  
事四月以刑部員外郎集賢杜公杞為轉運按察使得便宜  
進討八月十二日公至自京師涉桂蹈宜駐旄於環經沉謀  
揆遠□謂安化種類頻年深入使吾數千里之氓夫耕婦織  
不能供命而瀆於死者趕實為之地今不並誅趕雖得希範  
猶不得也亦既禽趕明年正月七日縛希範於荔波之古箱  
寨十三日械至環州二十九日誅希範蒙趕及其偽置官屬  
二百四十有三人於宜州之城下配隸之外并前斬首總一  
千四百九十四級公命分送□郡□之以示衆而臨桂居四  
分之一於是桂之官吏相與謀曰古之誅大惡者必為京觀

所以示戒懼於其後也今此小醜敢行稱亂惡已鉅矣宜斂而封之以應古誼然後盡以所命卽北郊而瘞之章大戮焉公之成功藏在冊府異時死者得葬生者得息含哺鼓腹無征輸之患傳諸故老之口而不見公之顏色又無紀述以形盛德之美何以慰南人之思哉因略取其粗而著之石云時乙酉三月六日欽州軍事推官將仕郎試秘書省校書郎權節度推官孔延之記

真書徑二十

區希範者思恩人也與其叔正辭應募從官軍討安化州叛蠻旣而希範擊登聞鼓求錄用事下宜州而知州馮伸已言其妄編管全州正辭亦嘗自言功不報二人皆觖望希範後輒遁歸與正辭率其族人及白崖山酋蒙趕荔波

粵西金石略卷二

十五

峒蠻謀爲亂推蒙趕爲帝正辭爲奉天開基建國柱王希範爲神武定國令公桂州牧僞立各號補置四十餘人慶歷四年正月十三日率衆五百破環州明年轉運使杜杞大引兵至環州誘趕等出降殺馬牛具酒給與之盟置曼陀羅花酒中飲者皆昏醉稍呼起問勞至則推仆後廡下比暮衆始覺驚走而門有守兵不得出悉禽之後數日又得希範等凡獲二百餘人誅七十八人餘皆配徙

宋史南蠻傳

右刻在臨桂鎮南峰按杜杞傳云誅七十餘人茲刻云並前斬首總一千四百九十四級當是斬於陣者又云誅希範蒙趕及其僞置官屬二百四十有三人於宜州之城下似是二百餘人悉誅者而下云配隸之外是二

百餘人不盡誅也與史正合杞誘降希範至剖腹繪其  
五臟爲圖蒙齋筆談言杞爲希範所擊口鼻流血而卒  
鬼神冥報固不可知然殺降固宜及此也延之是文不  
言希範蒙趕出降事爲杞諱耳

平蠻碑磨崖

大宋平蠻碑篆額徑九寸

大宋平蠻碑真書徑二寸

朝散大夫給事中知桂州軍州事兼

管内勸農使充廣南西路都鈐轄兼經略下闕廣南西路諸

州水陸計度轉運使兼本路勸農使朝奉郎尚書司判員外

郎下闕給事郎守太常□□□□□□州兼管勾斬撫事

下闕徑一寸五分 真書 聖宋體天法□□文聰武聖神孝德皇帝在

粵西金石略卷二

十三

宥之三十一年大字之內海渚之外氍裘卉服□□□□  
五月蠻賊儂智高寇邕州陷其郭賊虐衣寇驅虜稚艾遂沿  
□江東下所過郡縣素無壁壘□□□□民奔走因得焚  
蕩剽鈔無所畏憚乃攻圍廣州五十餘日不克大掠其民而  
去然所存者官□□□□百年生聚異域珍玩掃地無遺  
矣國家於嶺南不宿重兵故賊起三月□後師集□偕張忠  
素號驍將相繼覆□由是畏懦者望風潰□□鋒益熾逼連  
賀毀昭賓再穴于邕矣驛音繼聞上甚憂之樞密副使狄公  
青以爲將帥之任古難其才若再命偏裨事一不集則二廣  
之地禍□□不解矣亟自請行天子聽之遂改宣徽南院使  
荆湖南北路□撫使都大提舉廣南東西□□□□□□

□□命既授禁旅仍啟以舊鎮騎兵荆湖□□從行十二月  
至桂林督部伍□□□□□□□□矣明年正月甲辰至  
賓州先是鈐轄陳曙領□人八千潰于崑崙之關公推□□  
□□□□□□□□三十一人然後人知賞罰矣兵將股慄  
咸思用命是月己未引師□□□□□□□□□□□□  
之行師雖倉卒道途皆有行列賊至駐先鋒以接之公憑高  
□□□□□□□□焉賊徒大敗追奔十五里斬首二千二百餘  
級生擒五百人尸甲如山積于道路僞署□□□□□□  
人是夕智高焚營自遁復入于蠻中先是命湖南江西路安  
撫使樞密直學士孫沔入內押班石全彬過嶺與廣西經略  
使余靖同共經制東西路賊盜故命公都大提舉然孫石□

粵西金石略卷二

謀而軍中悉□□公之節制賊之再據邕也□者輟耕商者  
輟行遠邇惶惶不聊其生及公之拜命也朝野之論中外矐  
然以方召之才兼機軸之重出剪狂蠻無噍類矣賊之巢穴  
曰廣□州交阯之附庸也父爲交阯所戮遂棄其州奔南蠻  
界中淵藪悖傲以僭稱號自名其居曰雲南道又曰南天國  
再名其年曰景瑞曰啟歷雜名其左右之人自侍中開府已  
下署之其主謀者黃師宓儂建侯儂志忠等戰沒□陣未有  
剪其羽翼而能飛刳其腹心而□全者也故宵遁矣嗚呼智  
高之謀□餘年間招納亡叛共圖舉事十餘月間連破十二  
郡所向無前夫□自知破碎奔走在於頃刻之間乃知名將  
攻取眞自有體哉二月甲戌改乘轅其月丁亥至桂州詔徙

護國軍節度復以樞密副使召仍曲救嶺南民得休息矣遂  
磨桂林之崖石以書其勳其詞曰 有宋之大天覆地載四  
海正朔百蠻冠帶□茲狂寇起乎徼外父戮于交逃死獠□  
招納亡命浸淫邊害邊臣罔上習尚以懈卒陷邕邗乘流東  
邁志圖全越肆其蜂□廣城言言梯衝附焉攻之五旬掠民  
而□賊鋒一至千里無烟還據于邕五嶺騷□天生狄公輔  
聖推忠情存義烈志疾頑兇請纓卽路仗節臨戎英才遶集  
□□□□賊之敢鬪實惟天誘來迂于郊奄喪羣□當我摧  
鋒易如拉朽□補偽署叢然授□羽翼旣剪心腹旣剗雖欲  
自舉人誰與圖焚廬而去回巢以□六親不保曰獻□□厥  
惟邕邊南國之紀九峒襟帶列城唇齒險固一失□□無□

粵西金石路卷二

十五

庶民□□烏□獸□我公之來電掃雲開叛□□破綱領重  
恢師成□□□□天聲遠振□公之□真書徑  
二寸

右磨崖在臨桂城北鎮南峰撰書人名氏皆剝缺不可  
辯考首行結銜則余靖也第三將題名內靖以秘書監  
知桂州此云給事中者案宋史余靖傳智高反起靖秘  
書監知潭州改桂州賊平就遷給事中御史梁禧言賞  
薄又遷尚書工部侍郎是靖作此碑時已拜給事中之  
命尙未聞侍郎之擢爾

皇祐平蠻題名

平蠻三將題名篆額徑  
八寸

大宋皇祐四年夏蠻賊儂智高寇廣南陷十二郡據邕州其

年九月詔以樞密副史狄公統兵南征號二十萬明年正月  
已未與賊戰於邕之歸仁大破之翼日復邕州賊之餘黨遁  
於銅柱之外二月丁亥班師至桂林詔換河中旌節召還樞  
密凡從行將佐文武官二百三十一員今記將官已下姓名  
於左 宣徽南院使彰化軍節度使荆湖南北路宣撫使都  
大提舉廣南經制賊盜事狄青 第一將下 左衛將軍荆  
湖北路兵馬鈐轄王遂 西京左藏庫副使孫節戰沒於陣  
贈忠武軍  
節度觀  
察 西京副使賈達 西京左藏庫副使竹曷 文思

副使時明 管勾機宜太子贊善大夫馮炳 權石州軍事  
推官武緯 管勾糧草殿中丞霍建中 走馬承受公事入  
內內侍省內西頭供奉官張若水李若訥 樞密直學士右

粵西金石略卷二

六

諫議大夫充荆湖南路江南西路安撫使廣南經制賊盜孫  
沔 內園使陵州團練使入內內侍省押班充荆湖南路江  
南西路安撫副使廣南經制賊盜石全彬 第二將下 莊  
宅使荆湖南路兵馬鈐轄劉几 文思副使張憲 六宅副  
使孫昂 供備庫副使鄧守恭夏元崇 內殿承制閣門祇  
候孫宗旦 管勾機宜都官員外郎鄭紓 勾當公事殿中  
丞王綱 管勾糧草効用侍其濬 秘書監知桂州充廣南  
西路都鈐轄兼經略安撫使廣南東西路經制賊盜余靖  
第三將下 皇城使廣南西路兵馬鈐轄李定 供備庫副  
使史青 內殿崇班武防 虎翼都虞候呂斌張遠 管勾  
糧草大理寺丞章詢 經制賊盜司走馬承受公事入內內

侍省內西頭供奉官李宗道 西頭供奉官李達 管勾機  
宜守將作監主簿余仲荀 勾當公事權邕州節度推官黃  
汾 轉運使管勾隨軍糧草都官員外郎孫抗 轉運判官  
都官員外郎宋咸 提點刑獄同計置糧草司門員外郎朱  
壽隆 文思副使高惟和 其年二月曲赦廣南東西路甄  
勞能減租賦其死事者給棺斂錄子孫溪峒首領不從賊者  
悉加恩賞又宣德音荆湖江南詢疾苦蠲賦役雜犯死罪已  
下並從慮減四月又詔以青爲樞密使孫沔授給事中樞密  
副使余靖遷工部侍郎石全彬授宮苑使利州觀察使孫抗  
授司封員外郎宋咸職方員外郎朱壽隆考功員外郎高惟  
和左藏庫副使王遂而下定功爲五等第一等者轉官五資

粵西金石略卷二

十七

餘增秩有差

真書徑二寸  
注徑寸許

僧寶珍篆額區華區誠鐫

真書徑一寸

劉玉麈曰皇祐四年儂智高寇廣南陷十二郡據邕州卽  
東都事略余靖傳稱智高陷邕州乘勝連破嶺南州縣圍  
廣州還據邕是也云詔以樞密副使狄公統兵南征又書  
銜云宣徽南院使彰化軍節度使荆湖南北路宣撫使都  
大提舉廣南經制賊盜事卽宋史狄青傳稱青領彰化軍  
節度使擢樞密副使智高反除宣徽南院使宣撫荆湖南  
北路提舉廣南經制盜賊事是也云明年正月與賊戰於  
邕之歸仁大破之翼日復邕州賊遁於桐柱之外卽宋紀  
事本末稱五年正月狄青夜度崑崙關大敗儂智高於邕  
州智高走大理及東都事略稱狄青敗賊於歸仁邕州平

是也云班師至桂林詔換河中旌節召還樞密末云詔青爲樞密使卽宋史本傳稱捷聞遷護國節度使河中尹及東都事略云青還朝復爲樞密副使遂拜樞密使是也石刻所載與史傳一一符合

右刻在臨桂龍隱巖之潛真洞按余靖平蠻京觀志云先是命樞密直學士孫沔入內押班石全彬同本路經略使余靖經制賊盜命青以宣徽使大提舉總其節制明年正月己未青帥三將兵至邕州云云其詞似以沔全彬靖爲三將而青爲總帥者此碑則以青爲第一將沔全彬爲第二將靖爲第三將蓋朝命以全彬副沔故得共爲一將也三將宋史皆有傳

粵西金石略卷二

廿六

孫沔題名

孫沔朱壽隆胡揆陳欽明同游皇祐癸巳二月

真書徑二寸許

右刻在龍隱巖按宋史列傳壽隆擢提點廣西刑獄嶺外新經儂寇云云其官廣西似在儂寇平後據前碑壽隆實預平蠻勳也

粵西金石略卷三

兵部侍郎兼都察院右副都御史巡撫廣西南康謝啟昆撰

宋二

蘇安世題名

轉運使蘇安世與進士趙揚來並男台文祥文炳文侍行二

年正月初二日

真書徑二十

慶歷五年河北都轉運使龍圖閣直學士信都歐陽修以言事切直為權貴人所怒因其孤甥女子有獄誣以奸利事天子使三司戶部判官太常博士武功蘇君與中貴人雜治當是時權貴人連內外諸怨惡修者為惡言欲傾修銳甚天下洶洶必修不能自脫蘇君卒上白曰修無罪言

粵西金石略卷三

者誣之耳於是權貴人大怒誣君以不直絀使為殿中丞泰州監稅然天子遂寤言者不得意而修等皆無恙蘇君以此名聞天下蘇君諱安世字夢得以進士起家三十二年其卒年五十九為廣西轉運使而官止於尚書屯田員外郎者以君十五年不求磨勘也子台文永州推官祥文太廟齋郎炳文試將作監主簿彥文未仕女子五人適進士會稽江崧單州魚臺縣尉江山趙揚三人尚幼

于安石蘇君墓

誌

右刻在臨桂隱山按趙揚嘗為湖南轉運判官見宋史

南蠻傳

轉運使屯田員外郎蘇安世與進士趙揚來游並男台文祥

文炳文彥文侍行乙未三月二十二日真書徑二寸

真書右刻在臨桂雉山按前刻祇書二年後刻祇書乙未不

真書紀年號以時計之為至和二年也

鐫智者大師等相記

城裏崇明寺住持碁僧義緣謹用齋資命匠者鐫莊就天台

教主智者大師擎天得勝關將軍壇越關三郎相儀圓具在

龍隱巖釋迦寺開光齋僧上報四恩下資三友至和二年乙

未九月五日謹題 小師法巽法穩法袞金符書 匠人易

仕端 刊石盧遷真書徑一十五分

右刻在臨桂龍隱巖檀越作壇越壇檀通也

宋咸題名

粵西金石略卷三

遊華景洞題名篆額徑四寸

大宋嘉祐三年秋七月安撫兼經略刑部郎中直昭文館知

桂州蕭固幹臣轉運使金部員外郎王罕師言因寓北郊語

臨桂令梁庚闢菜口地得一古洞有口曰華景其石壁唐桂

州刺史御史中丞元晦巖光亭詩在焉乃會昌五年四月十

日題蓋武宗之乙丑年也其無沒則不能審於何時逮今踰

百祀而復新之於幹臣師言且洞無情物耳而得幹臣師言

而興生靈者其興又可詳矣後再踰月十有六日幹臣師言

與提刑屯田員外郎中宋咸貫之同提刑文思副使王瑀彥

溫鈐轄供備庫使李繼明酬昌通判屯田員外郎周約中立

復遊於是貫之因口口口然而書其崖行書徑一寸五分

右刻在臨桂華景洞按王安石蕭君墓誌銘云固字幹臣臨江新喻人所述官廣西事略與宋史李師中傳同固凡三知桂州值申紹泰反貶官去蓋嘉祐五年也是刻在三年是最後任時也宋咸亦見李師中及南蠻傳時爲轉運使王罕岐國公珪從父也見宋史珪傳

### 吳組題名

衢梁吳組保之建陽宋億慶長偕弟備鼎臣新喻蕭河從幾蘇臺王安世榮祖嘉祐戊戌仲冬上旬日同遊

真書徑二十

右刻在華景洞按蕭河爲固子嘗官秘書省校書郎知鄂州嘉魚縣事見固墓誌

### 余靖題名

粵西金石略卷三

三

廣南西路體量安撫使副余靖安道賈師熊文彥經略安撫蕭固幹臣轉運使宋咸貫之兵馬鈐轄柳涉公濟提點刑獄李師中誠之馬仲方子正通判黃照晦甫是日遊風洞棲霞洞遂遊此嘉祐五年晦日題隨行趙璞奉台旨書

真書徑一寸許

右刻在臨桂龍隱巖按宋史趙振子珣瑜弟璞亦知名此趙璞疑卽其人也

### 李師中題名

提點刑獄李師中前瓊守謝鴻郡丞黃照幕下孟庭堅段惟修周佺會此巖下嘉祐辛丑正月十九日

篆書徑一十五分

### 附詩

雲 李師中題 歸來不覺山川小出去豈知天地寬大抵

無心自無累亦如君子所居安

真書徑二寸五分

師中字誠之楚邱人提點廣西刑獄攝帥事邊人化其德

多畫像立祠以祀稱為桂州李大夫不敢名

宋史李師中傳

右刻在臨桂華景洞辛丑嘉祐六年也

李師中詩

李師中題

軒冕儻來仍假借

權官借假

功名難立更因循非才

不繫蒼生望收取林泉自在身

嘉祐六年四月一日

真書徑二寸

一寸

禹題龍隱巖

過江緣磴尋溪垠隱然絕壁天開門傳云此

處昔龍隱陰巖凜凜猶疑存風雲已與時變會苔蘚尙接初

潛痕嗟余出處不自重遇事輕發難為神

真書徑一寸

粵西金石略卷三

右刻在臨桂龍隱巖之迴穴按粵西詩載只存前二首

第三首漶漫久不可識矣

龍隱巖詩

雷題龍隱巖寺

提點廣西刑獄公事

絕頂神靈宅

危空寶榻開層

一息鳴鳥共徘徊

自和

翠壁凌雲聳禪

面水開巖高

地勝隔塵埃

簷前江

來

無限景得意幾徘徊

雷題龍隱巖

亂峰凝碧

曾有神龍此

已興甘澤去高巖

葛

雲端

己酉仲冬月住持

法

沙門□□□□眞書徑一寸許

右刻在龍隱巖作者姓氏漶滅惟書銜云提點廣西刑獄公事疑亦師中作刻於熙寧初者姑附於此

勸農事文

勸農事 提刑屯田員外郎李付每因讀刑禁旬狀見人民多因小事爭鬪致有殺傷雖骨月至親不相容忍此深可哀憫蓋勸農親民官不本教化所致今後令佐須曉諭鄉老令勸率子弟勲於田農孝養父母內外和順不相欺凌民無交爭則無橫死自然天道與人事相應無水旱凶災令佐不得輕遠方以為不可教誨况此人民曉事教誨必聽切在遵凜大宋嘉祐六年辛丑六月一日龍隱巖釋迦寺傳天臺祖

粵西金石略卷三

五

教沙門□修上石眞書徑一寸

劉玉麀曰迴穴有李師中作宋頌前書銜云廣南西路轉運使兼勸農使尚書度支員外郎末題嘉祐七年此刻為六年與史稱師中官廣西之年及勸農使之職合惟屯田屬工部度支屬戶部差異耳此刻字畫既不佳復多譌誤如哀作衰欺作欺交作交蓋當日寺僧傳寫錯誤也

右刻在龍隱巖

嘉祐宋頌

宋頌額眞書徑八寸許

廣南西路轉運使兼勸農使尚書度支員外郎臣李師中撰神武頌太祖也以天下授太宗永有休功其古之聰明睿

智神武而不殺者夫有天下不與子推大公承天命遂定四

足以昭盛德大於赫神武不顯其功天命在躬圖惟厥終不業故作頌焉

卜不謀付命太宗惟帝之心天地之公文命頌太宗也煥

乎其有典常始作樂告其成功焉本朝承五代之敝稽古與

美之於昭文明繼序其皇既有典常底定四方清廟用章德音

不忘仁功頌真宗也能申上帝之佑以和戎狄以安萬民

專用德化致百餘年大定自成康已來未有如此者也仁恩

厚矣生息極矣繼之以禮樂則萬物其終乎王道其成乎頌

之作也蓋於穆仁功已任天覆萬民靡不壽懷爾戎狄以及

鳥獸于嗟仁功草木潰茂如文王之囿嘉祐七年六月一

日勒於桂林之龍隱巖前知廉州合浦縣事臣陳惇書真書

寸許末行真書徑一寸五分注真書徑一寸

右刻在龍隱巖之迴穴

李師中畱題詩

師中嘉祐三年九月受命來嶺外七年十一月得請知濟州

感恩顧已喜不自勝畱詩四章以志歲月尚書度支員外

郎李師中 鎮撫四夷吾道在可憐壯志日因循四年盡瘁

今歸去不負斯民只負身薛許昌詩云不負嘉州只負身予

安民為事耳 侵地還來開境遠貢琛上去革音初但無俘馘充

歸獻辜負君恩死有餘侵地頗收復又來入貢但未乞

得衰身出瘴烟一麾仍許視于藩蒙恩理為家園在望松楸

近自問如何報上恩濟去先塋及汶出岫白雲猶繚繞離

羣飛鳥尚鳴悲四年人去寧無憾况是梅花滿樹時時嶺梅

粵西金石略卷三

六

收詩云一年人住豈無情  
眞書徑一寸注徑五分

劉王麀曰宋史列傳師中提點廣西刑獄疏劾蕭注攝帥  
事儂智高子宗旦尙保火峒師中移檄喻以禍福因率其  
族帳並地來降此詩註所謂侵地頗收復又來入貢也史  
云還知濟竟二州此詩序所謂得請知濟州也惟在嶺外  
年月及爲尙書員外郎爲轉運使皆史所不載得此可以  
補本傳之闕

右刻在龍隱巖之風洞口按師中在桂深惡蕭注等邀  
功生事故詩云但無俘馘云云意可見矣

雉亭詩刻

雉亭詩

篆額徑五寸

粵西金石略卷三

雉亭 西峰住持寶珍篆 屯田外郎通判桂州黃照題

爲愛空門息世機儒衣不著著僧衣  
長老月公乃興國八淵  
年狀元王公之族子淵

魚林鳥已聞法更待常年瑞雉歸  
眞書徑一寸五  
分注徑八分 甲辰仲

春桂林雉山住持傳法沙門齊月上石  
眞書徑一寸

劉玉麀曰龍隱巖題名有通判黃照晦甫末紀嘉祐五年

今此刻題詩獨不紀年號寺僧鐫詩亦僅稱甲辰考英宗

嗣位明年改元在甲辰是爲治平元年但寺僧鐫詩未必

卽爲題詩之年耳注內稱興國八平王公乃王則也  
太宗  
紀太

平興國八年三月丙子親試禮部舉人於講武殿擢王  
則以下百七十餘人立爲定制始分三甲賜宴瓊林苑又

曰是刻篆額橫列鱗象鬚三字攷雉石鼓文作雉說文作

雉今眞書所从出也若古文作錢古文四聲韻作缺汗簡

作戲與崔希裕纂古作飭竝與从矢者異惟夏竦引證俗  
古文余旁着爰與此略相似而實非亭晉姜鼎作彙義雲  
章作胤纂古作𠄎又作𠄎皆古文也此刻作彙似與說文  
作彙者近然兩旁內曲垂足外張叔重之法衰矣詩說文  
作𠄎古文作𠄎古史記作𠄎古孝經作𠄎王存又切韻作  
𠄎𠄎籀韻作𠄎𠄎皆爲正體此刻言𠄎作𠄎蓋效古而譌  
至書寺作𠄎尤爲謬蓋說文又下作一此乃作𠄎不知何  
所依據寶珍俗僧故杜撰如此

右刻在臨桂雉山

余藻題名

治平元年仲冬十八日同魯國長源吳興彥聖遊鴈門質夫

粵西金石略卷三

八

因題於洞之左崖眞書徑二寸許

右刻在臨桂隱山

大宋治平元年仲冬二十七日同轉運判官孔延之長源前  
安撫司勾當公事姚原道彥聖新知龔州丁錞口聲自口寧  
院抵慶林觀少休風洞上登棲霞洞卻下漾檝泊龍隱巖看  
鷓鴣詠口薄西渡提點刑獄余藻質夫因書遊覽之勝刻於  
崖右行書徑四寸許

右刻在臨桂龍隱巖

大宋治平元年臘後一日運判孔延之具舟按部因幸通判  
范子明機宜姚原道知龔州丁錞飲餞於雉山提刑余藻書  
巖石以紀眞書徑四寸

右刻在臨桂雉山

知桂州兼經略安撫陸詵提點刑獄公事余藻轉運判官孔延之兵馬鈐轄白均徐印新知鬱林州姚原道經略司勾當公事劉恕 治平二年立夏後二日會於此藻題

行書徑三寸許

右刻在臨桂伏波山按宋史陸詵傳詵字介夫餘杭人治平初知桂州又劉道源名恕事具宋史文苑傳治平三年司馬光修資治通鑑薦恕爲局僚時爲和川令無官廣西事此劉恕蓋別一人也金志立道源傳于流寓中殊誤

環翠閣詩

治平丙午仲冬中澣遊釋迦寺登環翠閣 轉運使太常少

粵西金石略卷三

九

卿章峴 吏局區區得暇難倚崖高閣暫登攀羣峰半出重林外小艇橫浮一水閒霜葉信風隨鳥逝晚雲沉石伴僧閒夕陽欲下猶迴戀更鼓清琴數弄還

丁未上巳再遊 溪干艤槩訪巖扉危磴攀緣不欲歸垂乳滴聲當佛座宿雲畱潤在僧衣聊開襖席臨流水閒擲文竿到落暉旅宦天涯甘寂寞送春無意惜芳菲

畱題龍隱巖 蒼崖石室俯清漣蟠蛰靈蚪不記年委蛻去爲天下雨抱珠歸作洞中眠照開霧脚澄溪月滴破雲根暗穴泉負郭勝遊雖信美桑閒畱愛我無緣 熙寧戊申仲秋

二十六日刻於崖壁男凝書

真書徑二寸

右刻在臨桂龍隱巖宋詩紀事云峴治平中官廣南西

路提點刑獄轉運使丙午爲治平三年

章峴題詩

自龍隱巖泛舟至雉山 太常少卿章峴 清溪幾曲轉澄

灣朝口龍巖晚雉山林叟野僧休笑我平生所樂是官閒

治平丁未季春望日

眞書徑二寸許

右刻在臨桂雉山

張田詩

題龍隱巖 度支郎中知桂州兼本路經略安撫張田 龍

隱晦冥時莫考龍驤挈攬跡堪驚孔明久臥養全德老子忽

飛歸太清溪上一天常氣勝洞中六月自寒生至神不得無

情處甘澤年年灑百城 治平四年六月題後四十七年政

粵西金石略卷三

和甲午三月孫修武郎光祖重書

眞書徑三寸

張田字公載澶淵人知湖徙廬州治有善蹟移桂州

宋史張田傳

傳

劉玉麀曰洞又有張壽之題云伏覩先君經略龍圖畱題

不勝悲感末注男光祖侍行據此刻稱孫光祖重書乃知

經略爲張田壽之爲田子也按宋史田傳不載知桂州之

年得此乃知爲治平四年也史云熙寧初加直龍圖閣知

廣州壽之題稱經略龍圖蓋經略爲前知桂州兼銜龍圖

爲終知廣州加銜故並稱之史稱其城廣州作欽賢堂繪

古昔清刺史像日夕師拜之蘇軾嘗讀其書以俾古廉吏

右刻在臨桂龍隱巖

王越石詩

遊洞天詩額八分書  
徑二寸許

宿朝宗驛遊洞天詩 越石罷守瓊筦道宿北流朝宗驛舍

秋高夜涼風月可愛因題一闕於壁既而自容趁桂登觀入

洞觀真人像丹竈石盆石牀尋扣勝境因次前題元韻共成

五闕繕寫上呈知府安撫俱備伏覲笑覽 尙書都官員外

郎前知瓊州軍州事元城王越石上 炎洲望處雲南北曉

闕歸時路屈盤喜得夜深清枕簟月華斜白洞天寒 右宿

朝宗驛 靜然華燭扣靈關雲路登尋過幾盤溪水定流何

處去一條沈碧練光寒 藥盆丹竈石牀閒龍虎當年向此

盤雲馭久登天久路仙風依舊拂衣寒 亂峰如展畫屏看

粵西金石略卷三

十二

老蔓紆根虺鬪盤飛步尋眞儘深處乳花凝雪逼人寒 倒

次前韻復成一闕 清泉流急響珊瑚丹竈無煙玉色寒拂

石生來心慮息氣清冰在玉精盤 治平四年十月初一日

謹誌 儒林郎守容州北流縣令陳階書眞書徑一寸 供備庫

使廣南西路安撫都監兼知容州軍州管內勸農事專管勾

廉瓊等州兵甲賊盜公事騎都尉馬用之立石眞書徑八分

右刻在北流縣勾漏洞

沈起題名

轉運使沈起提點刑獄章峴治平丁未仲冬十有二日同遊

隱山因訪武陵遺事遂題於石行書徑二寸許

右刻在臨桂隱山

章峴崔靜唱和詩

雷題伏波巖 權轉運使章峴 江瀾洞沃巒山根山裂巖

開石室存□鬼夜呼千嶂□□龍晨起一川渾金沙□□□

□□□壁間題□鱗痕三伏幾人逃畏暑豈唯河朔有清罇

靜謹依巖韻拜和 權同提點刑獄崔靜 古木纏溪出

醜根四時香火廟空存人家曉聚鳧鴨亂水怪夜翻星斗渾

靈洞仙遊雲自鎖陰崖龍去石生痕幸同軒從乘餘與酣醉

清時酒一罇 已酉仲冬五日刻石

真書徑二寸

右刻在臨桂伏波山己酉熙寧二年也崔靜和詩見名

勝志

似架題名

粵西金石略卷三

三

似架景淵令叔少隱公弼同來熙寧五年閏二月初十日書

徑二寸

右刻在臨桂寶華山

達夫題名

南陽達夫會稽蔚宗清江志康熙寧壬子八月朔日同遊東

巖

真書徑二寸許

右刻在臨桂伏波山按關杞字蔚宗傳燮字志康詳後

刻達夫無所考

許彥先題名

熙寧六年會轉運使張覲經臣提點刑獄李宗儀唐輔馬化

德之轉運判官杜璞元珍提舉常平關杞蔚宗傳燮志康儀

事於桂林口月二十九日成書過迴穴約分口諾口察訪廣

西公事許彥先覺之題

真書徑三寸

關蔚宗金陵幔山樓題榜乃二十年前書想六朝宮殿榜

皆如是

米芾海岳名言

關蔚宗景仁弟廬州使君也平生好事多蓄書畫游宦交

廣

陳繼儒太平清話

右刻在臨桂龍隱巖之迴穴按宋史南蠻傳云元豐三

年知邵州關杞請於徽誠州融嶺擇要害地築城砦以

絕邊患詔湖南安撫謝景溫轉運使朱初平判官趙揚

商度以聞景溫等以為宜如杞言此杞之事著於史者

潘景純米黻題名

粵西金石略卷三

潘景純米黻熙寧七年五月晦同遊

行書徑三寸

劉玉麈曰赤雅云公自書題名云云予遊時日月偶合自

題云鄜露崇禎七年五月晦日繼至重為之銘銘曰日月

不隔如彼千秋形景不隔與子同遊士貴知己君其勿憂

今洞內無此石刻蓋雖為此題語實未嘗磨崖耳

右刻在臨桂伏波山按宋史芾傳稱芾以宣仁后藩邸

舊恩補浚光尉方信孺畫象記言在桂得元章所作僧

紹言詩序乃知嘗尉臨桂此刻為作尉時題也又志林

載元章有陽朔山圖以拜石人居崑壑至奇之地作宦

佳處當無過於此蔡肇志墓甚詳獨不及臨桂尉何邠

周應期題名

比部周應期□□陳大順判官張□□進士林豐□熙寧七年六月初八日同遊真書徑一十

右刻在臨桂龍隱巖

張觀題名

經臣張觀執中劉彝志康傳燮熙寧甲寅六月八日同尋回穴山飯於是巖酌石乳之潘試郝源新芽香色□相得皆絕

歎賞數四遂同舟以遊風洞真書徑二十

劉彝字執中福州人第進士熙寧初為制置三司條例官

屬以言新法非便罷除都水丞為兩浙轉運判官知處州

加直史館知桂州禁與交人互市交阯陷欽廉邕三州坐

貶均州團練副使宋史劉彝傳

粵西金石略卷三

十四

右刻在龍隱巖之風洞

閩紳題名

兵馬都監閩紳君儀篋界巡檢劉永世延之知興安縣卞立

冲道淵熙寧甲寅孟冬初六日會此明日道淵方之任興安

君儀將以下關行書徑二十右行

右刻在臨桂華景洞

石牀詩

林公石牀 一榻涵虛洞岡巒勢若堆夢魂迷蛺蝶枕簟鏤

莓苔白晝晴宵裏清風明月來欲知臥雲趣不必意崔嵬

甲寅識行書徑三十

右刻在富川縣甲寅為熙寧七年

李時亮詩

□岸高瞰白雲溪洞穴通天路嶮巖雨未作霖天下早玉龍  
蟠此少人知 熙寧八年八月四日李時亮題 行書徑一寸許

李時亮字端夫博白人嘉祐中舉進士知廉州有治聲遷

檢校散騎常侍兼御史大夫時亮善屬文尤長於詩與同

官陶弼相賡和有詩曰李陶集 汪森粵西文載

右刻在臨桂白龍洞

交趾崇慶寺鐘款文

思琅州崇慶寺鐘銘 并序 真書徑六分 撫忠保節佐理功臣富良

州刺史兼廣源思琅等州節度觀察使金紫光祿大夫檢校

太傅兼御史大夫同中書門下平章□□□弘農郡開國公

粵西金石略卷三

食邑一萬戶食實封伍千戶楊景通特捨精銅柒阡餘劬造

洪鐘一口雷通供養 真書徑四分 原夫洞達陰陽貫暢蠕螾入

肌膚而藏骨髓流血脈以蕩精神庶尹允諧萬彙咸化不離

妙本動而常寂莫大於聲乾坤以震冠乎六子奮啟潛龍聖

人以樂調乎四時悅豫蚩蠡雄□以鐘戒乎萬務省覺邪僻

亘浹三千之界宣該十二之和顯爾晦迹含□法運孔有旨

哉鑄鐘主附□郎號國之所勅也公戶屬太平之□族本貴

勢奮勳前烈垂休積慶顯□兵部尙書道駕郡彥威攝四陲

高祖太傅輸忠愨謹節操恭潔而生定□諱日登耿介方直

深謀遠慮位至太保太王父諱匡宿修勝因職終少傅王父

諱惠盈文辭華麗歷掌圖籍述作淵懿勲絕阿黨而生三子

公居季少而姿彩奇偉儀表丰妍伏遇先后雖有皇姬之崇  
重禮當下嫁便藩遂詔公入覲默中宸衷俯膺眷顧可作東  
祖涓晨滌吉禮尚壽陽公主顯承優渥鄉閭欽羨族閭增輝  
仍蒙今上禮待殊異薦加榮秩總轄陔陘嘉謀碩畫萬舉萬  
全威怯朔塞玉關靜析兵戎奠枕□庶息肩治定功成務修  
勝果內詳妙理外賁梵宮思報四恩默起弘願乃於司凜山  
之間周圍峭峻繳遶嵐煙氣爽物妍源虛景媚蘊崇莽蔓芟  
削荆榛忖度延袤倩賃班輸治斷杞梓定矣方中精而擇向  
憑危跨谷接桂連霄香閣禪龕依巖架岳花葉之芳掩波錦  
丹青之飾亂朝霞玉題含嶧壁璫耀彩丹櫨捧日畫棋承雲  
林開七境之花池注八功之水壺壹靡侈種種莊嚴妙相金

粵西金石略卷三

容若如來在西口儂先之翼授朔瞻思現之字衍便□氏之  
護持獲旦夕之敬禮必彰梵醮庸警輿迷遂乃和將泉布散  
嚮辛□速臆氏之運謀稽陶冶之藝範飛廉敷揚回祿威熾  
庚物液轉以滾沸商金踴躍而覓流均薄中規侈弁合度妙  
葩發其脣脂雙蚪挈其頂巔扛綽寶樓無庸懸隙鯨魚啟擊  
鉤然飛韻洋溢萬壑亘泱六虛窈窕清涼釵輪消弭援拯塗  
炭祛屏饗餐傳於後裔用至追蠡儻非妙法焉如是哉上祝  
當今皇帝蘿圖綿茂寶祚恬昌坤厚博臨乾剛永運次爲聖  
善皇太后道邁握登壽逾附寶仍薦壽陽公主寶花臺上承  
證於菩提善法堂中同登於王覺兼祝考妣二親及諸眷等  
沐此良緣淨土欽禱鐘主太傅楊公洎令嗣郎□而降寃辜

消釋戢穀駢臻鐘成宜製文以彰於後僕自量孱瑣不知所  
裁輒敢銘曰寶坊虔構已精蠲法相金容極妙妍梵韻宣揚  
警大千咸激沈潛仍幽澗心勦形瘵皆忻然懽悴弛擔兼息  
肩解脫面縛與倒懸鏖湯熾爨消沸煎鑄鐘之主福無邊延  
齡千載守藩宣真書徑六分會祥大慶肆年正月拾伍日記真書

徑五分

廣教圓明寺洪讚大師釋延壽刊丞務郎校書省

臣楊文挺書

戶部員外郎充集賢院學士賜紫金魚袋臣

曹良輔撰

真書徑四分

右鐘在太平土州高四尺二寸口徑三尺一寸交阯之

稱號自帝自宋李日尊始宋廣源思琅諸州皆爲所奪

熙寧初日尊卒朝廷因以諸州賜之子乾德嗣立會祥

粵西金石略卷三

大慶其年號也鄜露赤雅云太平飛來鐘自交阯思琅

州飛至沈希儀遣舍人劉勳相之搃造軍器日未及視

仆地而死朱國禎湧幢小品云廣西太平州有一鐘自

交阯思琅州飛來夜常入水與龍鬪天明復舊所正德

己卯盜斷其紐及唇靈怪遂滅二說事皆不經考明史

正統間安南思琅州土官數與廣西安平思陵二州相

攻掠鐘或以此時轉入內地耳

粵西金石略卷三

粵西金石略卷四

兵部侍郎兼都察院右副都御史巡撫廣西南康謝啟昆撰

宋三

朱子美劉伯宗題名

朱子美劉伯宗元豐初年六月二十八日遊□洞來飲於崑

下闕 眞書 徑二寸許

右刻在臨桂龍隱巖

張頡題名

武陵張頡仲舉甬上苗時中字居洛陽劉宗傑唐輔吳興劉

誼宜父眞書徑二寸許

元豐元年八月初七日自眞山來遊眞書徑二寸許

行

粵西金石略卷四

張頡字仲舉其先金陵人徙鼎州桃源廣西轉運使罷歸

未幾進直龍圖閣知桂州宋史張頡傳

苗時中字子居其先自壺關徙宿州交人犯邊擢廣西轉

運副使宋史苗時中傳

劉誼元豐初提舉廣西常平上言廣西役錢弊法乞裁損

其數遂詔吏輩月給錢遞減二千歲遂減役錢一千二百

餘緡又請罷買沉香減鹽價四十餘事上稱其論事有陸

贄之風王安石銳意新法極諫不便坐黜歸文載

右刻在臨桂雉山宋詩紀事劉誼字宜翁長興人第進

士元豐間廣東西提舉常平官上疏論新法勒停隱

茅山按劉誼曾公巖記結銜稱管勾本路常平則紀事

云提舉廣東者誤

權發遣轉運使尙書屯田郎中直集賢院張頴副使殿中丞  
苗時中提點刑獄太常博士劉宗傑管勾常平前江山丞劉  
誼元豐元年八月二十四日遊龍隱巖眞書徑寸許

右刻在臨桂龍隱巖之迴穴

劉誼曾公巖記

并唱和詩

曾公巖記 元豐元年冬交人入貢上方擇人處置疆事乃  
詔曾公自廣州移帥桂府二年南方無事民和歲豐公以其  
餘暇訪尋桂之山水奇勝處一日率郡僚遊所謂風洞者縱  
步而東行得一巖於藜莽閒巖之前有石爲之門屈曲而入  
則流水橫其中碧乳垂其上周環四視其狀如雕鏤刻鏤殆

粵西金石略卷四

二

出於鬼工而不類於融結者也公於是拂石求前人之迹則  
未嘗有至者焉乃構長橋跨中流而渡以爲遊觀宴休之處  
且與衆共樂之自是州人士女與夫四方之人無日而不來  
其巖遂爲桂林絕觀夫桂之洞穴最多南有白龍北有石門  
迴穴據其東隱山在其西皆唐名流之所嘗遊也觀其詠歌  
序刻莫不極道其勝槩而歎前人之所遺者斯巖之景亦冠  
絕矣而乃獨遺之是真可歎也已豈當時忽于尋訪而不見  
耶將唐人所謂天作而地藏之必待君子而後顯耶余生長  
東吳號爲山水窟中如天台雁蕩最爲奇觀然未有過此者  
也邦人樂公之德政而願以曾公名其巖以比甘棠之思余  
故爲書之且以告後人收入爲□經盛事云公名布字子宜

其年九月二十六日管勾本路常平前江□縣丞劉誼記

會公巖詩 權發遣轉運使尚書度支郎中直集賢院陳倩

源流承襲孔門賢姓氏今題洞穴閑傳說功高傳巖野謝

安名著謝公山激泉救旱為霖雨磨石書勲破海蠻應共白

雲同一意帝鄉歸去未能還

次韻 龍圖閣直學士起居舍人經略安撫使曾布從事

區區厭獨賢尋幽深入翠微閒旋開榛莽東郊路偶得神仙

舊隱山都嶠三天臨漳水外有三洞天靈巖十里接溪蠻

融州靈巖號真仙巖然□境何如咫尺隣風穴杖履時時一

往還

和 權轉運副使殿中丞苗時中 紅旆尋幽東郭秀泉巖

粵西金石略卷四

新得冠殊方十州氣象天開作萬古荆榛地蔽藏崖广乍驚

堂室闢榜名知與日星長異時人指溪橋水思愛還同邵伯

棠

和 權發遣提點刑獄公事尚書屯田員外郎劉宗傑 謝

公高興在東山尋得仙巖郡邑邊萬朶連峰凝碧乳一溪鳴

玉逗寒泉由來物外無塵景須信壺中有洞天嶺服已安褒

詔近莫將歸夢更畱連

和 權發遣提點刑獄公事秘書丞彭次雲 目擊烟霞晝

卷舒披榛敲石得蓬壺洞天日月千年久人世塵埃一點無

靈藥難尋雲縹渺落花不見水縈紆使君鳳閣翱翔近謾與

東山作畫圖

和 權提舉常平秘書丞齊諶

天作地藏知幾年公來因得茂林閒誰言物外真仙境祇接  
人居近郭山石乳望中蒼玉隊泉源深處臥龍閑行看再為  
蒼生起乘興從容□遽還以上俱真書徑一寸注徑五分

會布字子宣南豐人學于兄鞏同登第元豐初以龍圖閣

待制知桂州宋史姦臣傳

右刻在臨桂冷水巖按布以贊行新法起官諠以論新  
法去官氣味不倖矣而蹤蹟親密記多諛詞何也

會布題名

南豐會布甬上苗時中洛陽劉宗傑歷陽□諶吳興劉誼元  
豐二年四月二十日同遊真書徑二寸

粵西金石略卷四

右刻在臨桂龍隱巖

起居舍人龍圖閣待制知桂州兼廣西經略安撫使曾布權  
發遣轉運使尚書度支郎中直集賢院陳倩權副使殿中丞  
苗時中權發遣提點刑獄太常博士劉宗傑權發遣提舉常  
平秘書丞齊諶管勾常平前江山縣丞劉誼元豐二年五月  
一日遊迴穴真書徑一寸許

右刻在龍隱巖之迴穴

南豐曾布子宣浦城陳倩君美符離苗時中子居永安劉宗  
傑唐輔歷陽齊諶子期長興劉誼宜父元豐二年六月初三

日同遊真書徑一寸許

右刻在臨桂疊采山

起居舍人龍圖閣待制知桂州曾布子宣轉運使尙書度支  
郎中直集賢院陳倩君美副使殿中丞苗時中子居提點刑  
獄太常博士劉宗傑唐輔提舉常平秘書丞齊諶子期管勾  
常平前江山縣丞劉誼宜父元豐二年六月初三日自風洞  
遊伏波巖真書徑一  
寸五分

右刻在臨桂伏波巖案二刻為一日所題先疊采而後  
伏波也

曾布陳倩苗時中劉宗傑齊諶劉誼宋元豐二年中秋遊真書  
徑二寸

右刻在臨桂水月洞

劉宜父題名

粵西金石略卷四

元豐二年八月十八日劉宜父曾公冕苗永孺僧紹簡遊真書  
徑二寸

右刻在臨桂中隱山

陳倩題名

元豐三年十二月初五日權本路轉運使朝散大夫直集賢  
院陳倩君美權荆湖南路轉運使朝奉郎直集賢院朱初平  
仲隱權發遣提舉本路常平等事光祿寺丞劉誼宜父同遊  
曾公巖時仲隱宜父瓊筦體量安撫回歸任會此真書徑  
二寸

右刻在臨桂冷水巖按宋史南蠻誠徽州傳熙寧八年  
有楊光富者率其族姓二十三州同歸附繼有楊昌銜  
者亦願罷進奉出租賦為漢民獨光僭頗負固不從命

詔湖南轉運使朱初平羈縻之未幾亦降此云瓊管體  
量安撫歸當卽其事而劉誼實同往史未之及也

轉運使朝散大夫直集賢院陳倩權提點刑獄奉議郎彭次  
雲權提舉常平奉議郎齊謹權發遣提舉常平通直郎劉誼  
元豐三年十二月十七日同遊雉山巖寺畱題真書徑  
二十寸

右刻在臨桂雉山案宋詩紀事云彭次雲吉水人元豐  
中桂林郡僚據此則為提點刑獄矣

王軾題名

建安陳倩吉水彭次雲歷陽齊謹吳□劉誼元豐三年十二  
月二十四日同遊伏波巖真書徑二  
寸八分後二日大梁和斌獨遊

王軾題真書徑  
一寸許

粵西金石略卷四

和斌字勝之濮州鄆城人狄青南征使部騎兵為前鋒師  
還擢文思副使權廣西鈐轄累遷皇城使昭州刺史以榮  
州團練使知宜州遷西上閣門使知邕州宋史和  
斌傳

右刻在臨桂伏波巖

李時亮題名

元豐辛酉歲孟夏二十三日君美會仲舉仲隱施元子期自  
壽寧早膳泛舟晚飲雉巖是日仲隱被旨還使湖南李時亮

謹題行書徑  
二十寸

右刻在臨桂雉山壽寧今萬壽寺唐曰善興有舍利塔  
函者也又壽寧今多作寧壽當以石刻為正

林通題潛德巖

大宋元豐四年辛酉八月林通達夫題

真書徑二寸許

潛德巖書

徑一尺二寸

林通字達夫富川人仁宗時仕為御史棄歸隱縣之豹山

人因名其山曰隱山巖曰潛德巖

文載

右刻在富川縣豹山

真僊巖詩

雷題融州老君巖 權發遣提舉本路常平光祿

○謾說人閒假像真老君形相亦虛言巖前瑞氣歸宸翰

佛子年年○國恩中有太宗御書歲度僧一而○子之徒仍不與鑿成巖穴鬼

工難中有神仙自往還不見桃花開落處祇隨流水到人閒

龍圖閣直學士知桂州充經略安撫使曾布和 神仙遺

粵西金石略卷四

七

像出天真造化胚渾豈易言訪古尋幽空有意白頭軒冕感

君恩 鹿龍高躡九霄難共駕仙車去不還遺跡至今空有

檜不知蟬蛻此山閒亳州有老子升天檜鹿龍迹尚存權發遣轉運使朝

奉大夫直集賢院陳倩和 白石天然肖老君泉聲如誦五

千言虛无妙道無人繼却使浮屠冒寵恩 尹喜當年共出

關流沙一去未嘗還必應精爽游南越變現形儀洞穴閒

權發遣提點本路刑獄秘書丞彭次雲和 仙馭凌雲去幾

年九流空苦道家言何人懷古求遺像巖穴長蒙雨露恩

儼然鶴髮與龍顏誰道乘風不復還渾俗何須窮變化或來

塵世或雲閒 權提舉常平秘書丞齊諶和 巨石何年此

結成老君肖象亦強名以身為患言猶在謾使時人分重輕

巖前流水碧潺湲鶴馭翩翩去弗還堪笑世人求不死豈知道在有無閒 元豐六年七月一日內殿承制權知融州軍州事錢師孟立石

真書徑一寸  
注徑五分

右刻在融縣真儂巖

李孝忠題名

通直郎經略司管勾文字李孝忠全叔永寧簿吳朋彥周元祐二年九月七日來遊

行書徑二寸

右刻在臨桂雉山

關蔚宗題名

白龍山在桂城之東南登山之西而至其洞深廣可數楹石之穹隆隱然若神物化去而畱其跡洞之名蓋亦舊矣元祐

粵西金石略卷四

八

己巳二月八日上黨苗子居歷陽高時仲金陵李師正黎陽吉鄰幾乘暇以遊愛其佳趣且忘其歸因刻于石以志其來爾會稽關蔚宗題

真書徑一寸

右刻在臨桂白龍洞

孫覽題名

元祐六年三月二十四日自逍遙樓出桂江泛舟至雉山觀巖洞微雨不可登絕頂泝流過壽寧復還逍遙置酒高郵孫覽溫陵謝季成漣水孫傑荆渚朱袞宣城董必曲江譚揆劉

暉同遊

行書徑一寸

孫覽字傅師高郵人歷知河中應天府江淮發運使進寶

文閣待制由桂徙廣

宋史孫覽傳

董必字子彊宜州南陵人紹聖中提舉湖南常平章惇與蔡卞將大誅流人遣呂升卿往廣東必往廣西察訪哲宗既止不治然必所至猶以慘刻案脅立威爲五書歸奏除工部員外郎中書舍人郭知章封還其命

宋史董必傳

右刻在臨桂雉山史言必紹聖中至廣西據此則紹聖前已至桂矣

### 盧約題名

盧約潛禮胡田耕道劉川子至胡義修茂方樓禹鄰元弼葉世隆振卿閻淳質夫傳諒友冲益方元若允迪紹聖乙亥初伏遊

眞書徑三寸許右行

右刻在臨桂冷水巖

### 粵西金石略卷四

九

朝散郎經略安撫使司勾當公事盧約瀛州防禦推官管勾書寫機宜文字胡義修和州防禦推官權管勾機宜文字樓禹鄰澧州錄事參軍勾當公事葉世隆紹聖二年七月癸丑遊

眞書徑五寸右行

右刻在臨桂龍隱巖

上饒盧潛禮濟北段微之毗陵胡茂方同郡樓元弼武夷葉振卿紹聖乙亥秋九月中澣遊

眞書徑三寸

右刻在臨桂白龍洞

### 胡宗回題名

朝請大夫直龍圖閣知桂州兼安撫經略胡宗回醉夫朝奉大夫轉運副使程節信叔朝奉郎提點刑獄曹輔子方朝請

郎轉運判官程遵彥之邵承議郎提舉常平徐常彥和紹聖

乙亥季秋甲辰同遊真書徑三寸許

胡宗回字醇夫常州晉陵人紹聖初以直龍圖閣知桂州

宋史胡宗回傳

曹輔字子方華州人登嘉祐八年乙科官提點廣南西路

刑獄福建轉運使朝奉郎守司勳郎中號靜常先生宋詩紀事

攻媿跋曹子方書以為祐陵時上書論時事靖康至樞筦

者字載德龜山為銘合為一人非也困學紀聞

右刻在臨桂龍隱巖按宋史徽宗紀崇寧二年安化蠻

入寇廣西經略使程節敗之此時方為轉運副使耳節

宋史無傳得此可考其歷官之略

粵西金石略卷四

朝請大夫直龍圖閣知桂州兼安撫經略胡宗回醇夫朝奉

大夫轉運副使程節信叔朝奉郎提點刑獄曹輔子方朝請

郎轉運判官程遵彥之邵承議郎提舉常平徐常彥和紹聖

乙亥季秋甲辰同遊真書徑四寸許

右刻在臨桂冷水巖

遇仙記

唐少卿遇仙記額真書徑一寸許

唐著作子正桂林人幼慕至道嘗寓元山觀讀書一日有雲

遊道人不通名氏相過清談數日許傳方書款曲乃去治平

初唐赴京調舉至全州中途一僕夫偶病不能行忽復遇是

道人來詢問其故□□代病僕荷重擔前邁勁若健羽雖鞭

馬疾追常先百步外同□□其□去遂道之道人既別卽日自全州二千七百餘里已到唐州湖陽驛留書與驛吏曰候桂州唐秀才至卽付之後月餘方抵驛驛吏出示書面題云呈桂州唐秀才歸眞子謹封唐啟封惟一詩曰元山相見又之全下遇先生道未緣大抵有心求富貴到頭無分學神仙篋中靈藥宜頻施鼎內丹砂莫妄傳待得角龍爲燕會好來黃壁臥林泉唐大驚駭詰其狀貌卽全州所荷擔道人也畱書之日卽全州所遣日也始悟爲神仙熙寧閒倅邕管歲在丙辰交賊陷城力戰遇害于州治中橫壁亭詩所謂角龍黃壁也贈司農少卿紹聖三年正月甲午靈川歐陽闢記 孫世□謹勒于南溪山劉公巖石以永其傳云

眞書徑五分

粵西金石略卷四

十一

歐陽闢字晦夫靈川人從學于梅聖俞元祐六年舉進士

任雷州石康令

文載

右刻在臨桂劉仙巖按宋史熙寧九年交趾陷邕州刺史蘇緘死事甚烈事具緘傳得此記又知有唐子正一人交趾屠郡民五萬餘人史固不勝其載然忠蓋湮沒者多矣

胡宗回題名

朝請大夫直龍圖閣知桂州兼經略安撫胡宗回醇夫朝奉大夫轉運副使程節信叔朝散郎提點刑獄梁子美才甫奉議郎提舉常平譚揆文初累會伏波東巖茲巖勝絕在桂林洞穴之上上其蒙亭之本末景物之交會已載經略司管勾

機宜文字黃邦彥之記云紹聖三年十月二十二日管勾書  
寫機宜文字胡義修奉命題真書徑二寸許

右刻在臨桂伏波巖

梁才甫題名

東平梁才甫挈家自東泛舟至此遂遊壽寧紹聖三年十二

月初一日真書徑九分

右刻在臨桂龍隱巖之迴穴

譚揆題名

曲江譚揆弟拱拱泮涅川蕭汝明同遊紹聖丁丑孟秋二日文

初題真書徑二寸

右刻在臨桂伏波巖

粵西金石略卷四

畱怙題名

信安畱怙彥強江夏黃忱君錫零陵陶達由聖弟迥鄰之宜

城侍其鉉希聲洛陽席貢叔獻元符己卯正月十二日同遊

龍隱巖真書徑一寸許

右刻在臨桂龍隱巖

程子立黃忱題名

路分程子立銜命西邕兼將黃忱君錫餞別于蒙亭時元符

己卯孟夏既望真書徑二寸許

右刻在臨桂伏波巖按宋有路分都監掌本路禁旅又

帥府置路分鈐轄子立蓋為是官叢載作潞汾誤又宋

史撫水蠻傳蒙光有為寇經略可遣將官黃忱等却之

又張莊傳安化蠻納土莊遣黃忱往築州城忱蠻將也  
知蠻情偽力言不可莊怒遣忱護築淡州其人亦不阿  
者

張壽之題名

壽之赴官合浦道出桂林遊龍隱巖伏觀先君經略龍圖  
題不勝悲感元符二年九月旦日第三男供備庫副使新差  
廣南西路兵馬都監兼知廉州軍州事張壽之謹記  
男光祖光嗣光弼光庭侍行  
行書徑一寸許

右刻在臨桂龍隱巖之迴穴按壽之父張田宋史有傳

田有題龍隱巖詩

許端卿題名

粵西金石略卷四

十三

新定許端卿中甫雅有巖洞之好被召歸刑曹鄱陽程節信  
叔歷陽張景温敦直全魏董遵守道酌別于此而中甫眷眷  
有惜去之義元符庚辰五月十九日題  
行書徑二寸

右刻在龍隱巖之潛珍洞

程節題名

程節信叔張景温敦直董遵守道許端卿中甫元符三年五

月十九日遊

真書徑二寸

右刻在臨桂元風洞

許中甫題名

許中甫遊慶林來此庚辰六月二十八日題

真書徑三寸

右刻在臨桂屏風巖

杜唐臣題名

杜唐臣張通夫王誠中張通甫董君佐姪聖程聖欽元符三年八月旦同遊真書徑一寸許

右刻在臨桂清秀山

富川列女蔣氏塚碑

隋朝富川列女蔣氏塚西觀寺碑額真書徑一寸許

□□□□□□□□史□安樂縣君神道碑銀青光祿大夫工部侍郎□□□□□□□□國公□□大唐□□□□之元禩王春三月哉生魄日戶部尚書金紫光祿大夫□中書令越國公鍾紹京□□□章□陳上疏宸為祖母安樂縣君當隋時開皇中虛子茂□□□而能忠烈戒子正□名義

粵西金石略卷四

十四

檄書飛五花之綾錫命動九真之俗內降綴珠碧羅芙蓉冠蹙金線紋屨五章琴瑟走霞裙水晶如意赤玉鑑臺珊瑚楞伽枕琥珀唾壺天語優舉附諸國中大業三載終于臨慶郡青風□之□□□四年正月元日遷祔于富川縣松安里元號水西里因縣君葬此勅改焉取其正直安樂之義也我太宗文武大聖皇帝眷切先臣特下明詔發皇華之命出府庫之錢三千緡充助殯之費適丁孝治之期敢貸銘旌之號庶釋龍綸永刻翠琰皇帝曰俞詔工部侍郎許國公臣蘇頲詢事考能直筆勒石謙挹弗下聊扶鄙思未能述懿鏤萬分之一也縣君臨賀蔣氏之艾性淑德純善談論巧書札嘗唾青赤縹綠桃花牋寫曹大家賦學衛夫人筆法及笄從潁川鍾

氏諱騫字宗閔則魏太尉繇二十代孫由零陵湘沅入南封賀城太守生二子長子士雄拜開府儀同三司伏波將軍持節廣南酋帥次子士略銀青光祿大夫嶺南國公食邑五百戶武德四年李衛公巡撫嶺徼受賀州刺史每臨毋之私忌則命浮屠輩于家廟宿齋講上生經百法論畢則望寢園之隧道漣涕如雨焉噫鍾氏甲族其來尙矣□隋以前軒冕奕世至于霸越綏護漢疆氣英而膽豪智豐而畫高亦一時之□傑也贊曰古人恥當年而功不立疾沒世而名不聞蔣氏教子有方視死如歸喻禍福于文華而自守忠義功既立矣名既聞矣封安樂縣君不亦宜乎帝曰欽哉 蔣列女碑唐先天下中蘇許公奉勅撰也其載蔣氏能以忠烈教子使不

粵西金石略卷四

十五

應文華之召詳已經五代兵火之亂湮沒已久余爲富川之二年始購得板本于郡之廳事因市石募工益與魏鄭公所撰隋書列女傳刻之立于鍾山寺仁智堂而又訪尋蔣氏邱墓所在使禁護樵採且以勸夫爲人母者教子忠孝事上之意非特爲好事者口實而已余乃至塚側見寺觀儼然有合掌石刻備蔣氏傳曰鍾伏波母者臨賀蔣氏女也父諱騫字宗閔由零陵湘沅入南封賀城太守素持釋行隋開皇二年奉勅號迦葉公卒葬于觀東立城岡面南二子長士雄次士畧士雄仕陳爲伏波將軍陳主以士雄嶺南酋帥慮其返覆每質蔣氏于都下□晉王平江南以士雄在嶺表欲以恩義致之遣蔣氏歸臨賀母子□會□拜□□□塚□□□□

□□未幾聞虞子茂作亂舉兵□掠遣同寇鍾文華召士雄  
士雄將應之蔣氏謂士雄曰我在揚都備嘗辛苦今逢聖化  
母子聚集□身不能上報焉得爲逆哉汝若禽獸爲心背德  
忘義吾當自殺于汝前子不聞上祖太尉繇公輔魏王勲及  
于今日猶傳廟享子盍盡忠繼之士雄奉戒儆止則建寺觀  
□戍塚西懇告于皇天曰臣妾措禩祝延聖祚燎怖子息忠  
良遂一神人素衣白馬□之一夜大石自山巔墮于地合掌  
寺觀西□□□□南道石大馬跡印蔣氏承天之庥復爲  
書與子茂喻以禍福子茂不從尋爲官軍所敗上聞蔣氏甚  
異之封安樂縣君勅賜長生觀延壽寺□□四年□□李靖  
巡撫□□□□□□光暉□賢□□□□遣歸□□□□□□

粵西金石略卷四

□□□□□□常植萬□禱忠□□□□甚輔□□其寺  
觀碑銘因五代亂壞迄皇祐四載儂寇羣侵前令劉珣詣此  
求安果遂時再刻于合掌石□□□□熙寧元年奉勅賜壽  
聖寺因此觀修飾未完今遠孫鍾克諧圓成祝聖余雖刻碑  
于鍾山且未悉其靈毓乃重寫觀寺碑銘仍刻合掌石上贊  
忠賢之德行永化□仁揚聖道之神功同增帝德元符三年  
中秋月富川縣王端禮編真書經五分許

右刻在富川鍾山鎮列女廟蔣氏隋書有傳碑中所載  
虞子茂事與隋書合唐碑久亾宋人述其文刻之字畫

甚劣

粵西金石略卷四

粵西金石略卷四

